

3
DE SACRIS
CONCIONIBVS RECTE

formandis, deq; ratione Theo-
logiæ discendæ, compendia
ria formula. Alphonso

Zorrilla Sacre Theo-
logiæ Magistro
Authore.



Cornelis Francisc.

Romæ in Vico Peregrini apud
Balthasarem de Cartulariis
Perusinum.

M. D. XLIII.

Epistola nuncupatoria.
REVERENDISS. ET ILLV.
striss. D. D. Ioanni a Toletio Episcopo
Burgensi Sacro sanctę R. E. Card.
dignissimo, Alphonsus Zorrilla.
oluo S. A. P. D.



V M inter omnia Christiano-
rum officia (Illustriss Princeps)
nullum grauius, maiorisue mo-
menti, verbi Dei ministerio,
censerem: nullum vero negligentius in-
ertiusque (hoc nostro sæculo) exequi
(mea quidem sententia) viderem: ope-
ræ precium fore duxi, si de sacris concio-
nibus recte formandis, quasi per compen-
dium, ac collectionem eorum, quę varii,
hac de re, varie dixere, tractatum institue-
rem: & in vnum, eundemq; locum, va-
ria, ac vagantia illa, cogerem, atq; com-
ponerem. Erasmus enim Roterodamus,
de modo concionandi, libros aliquot fe-
cit: adeo tamen opus illud est diffusum,
prolixum, & confusaneum, vt non cuiq;
inde facile sit, ea præcepta deligere, quę

pro sacris concionibus formandis,opus
sint. Pleriq; itidem alii de hoc ipso nego-
cio scripsere, verum ex iis alii, non exa-
cte satis rem tractauere, nec scopum reti-
gere: alii, breuiores quam negocium fe-
rebat, exigebatq; fuere: alii tandem sibi
ipsis minime constant. Non igitur abs re,
nec sine magno verbi Dei concionatorū
vfu, futurum arbitrabar: si brēue, & abso-
lutum quoddam opusculum, hac de re,
componeretur, ac ederetur, vbi omnia ta-
men eo spectantia, exacte, & aperte trade-
rentur. Cum tamen tale quodpiam, ab
aliquo huius artis perito, nobis dari ex-
optassem: ad idq;, ex iis complurimos,
cum mihi notos, tum etiam amicos, ex-
hortarer: perq; vnum, ac alterum annū,
morem gesturos expectarem: nec quis-
quam tandem ea præstare vellet: Rem-
publicam vero Christianam, antiquam
illam, ac eādem iacturam pati, sentirem:
nequaquā id malī, vltius ferre valens,
ego ipse negocium aggredi, tētaui. Quid
vero præstiterim, quantumue, in hac re,

nuncupatoria.

promouerim, aliorum sit iudiciū. Quod potui etenim præstiti, plurimū certe præstiturus, si ingenii vires, atq; facultas, mei animi affectum (cuius conatus tantummodo hic obseruari vellem) subsequerentur. Cæterum cum in concionibus formandis, nihil tam nos iuuare possit, q̃ sacrarum literarū cognitio, eamq; illi tantum assequant, qui veram discendæ theologiæ viam, & rationem norunt: minime etiam ab hoc loco alienum esse arbitrabar, si & de hoc ipso, tractatum conficerem, qui priori de concionum formatione, coniunctus, & insertus esset. Verum nostri loco, breuem quādam huiusce rei methodum doctissimi cuiusdam, hic subrogandam censui, paucis tamen quibusdam ei tractationi a me adiectis, & appositis. Quantuluscunq; vero meus hic sit labor, tu (Illustriſſ. Ecclesiæ Princeps) mihi dignissimus occurrebas, cuius acerrimo calculo, simul & beneuolo patrociniſio, committeretur: tu inquam, cui (si per Cardinalitii ordinis maxima ac sum

ma illa negocia, licuisset) adeo facile erat hac de re scribere, eamq; ita diserte tractare, vt vel ipse solus nobis sufficeret. Mirabuntur tamen fortassis qui me norunt, & inciuilitatis (ne dicam ingratitude) me arguent, quod cum pane Reuerendiss. & Illustriss. Domini mei D. Bonifacii Ferrerii Cardinalis Ipporregienensis iam vescar, qui licet in gerendis grauissimis quibusq; negociis tam excelleat, vt literarium nomen post habere videatur: acerrimo tamen literarum omnium præditus sit iudicio: nullusq; illo, literario exercitio, libentius, largiusue faueat, vti ex Collegio ab eo Bononię erecto (vt cætera taceam) cuiq; videre licet: & cui tãdem, ipse ego, infinitis pene deuinctus sim beneficiis, alteri tamen, q̃ eidem mea dedicarim scripta. Accedit & ad hoc, quod cum clarissimo, ac ingeniosissimo eius nepoti Vercelarum Episcopo, cum Dialecticam, tum etiam Rhetoricam artem al's sim interpretatus, quas adamus sim, & exactissime ipse calleat, ac tota

nuncupatoriā.

hæc nostra tractatio duabus illis pene disciplinis tantummodo absoluat, iure videatur illi soli hic noster labor deberi. Sane quod illorum utriusque non modo a me hæc, sed iis multo maiora, & quam quod ego præstare possim, debeantur, neque possim, neque inficiari volo. Tamen scio & Patruū & Nepotem tanto te prosequi amore, ut cum tu id obsequiū semel tantum a me acceperis: & ipsi bis se accepisse arbitrentur. Venerandus. n. ille senex, te ut charissimum fratrem, ac nepos eius tanquam observandissimum sibi patrem, habent, atque colunt. Tuæ igitur gravissimæ censuræ, merito hæc castiganda, ac purganda cōmitto. Tuo præterea fretus præsidio, audacius hæc edere non vereor: qui te sciam a toto Theologorum coetu, tam suspici, atque observari, ut si vel intelligant, qualescunque nostras has lucubrationes, tibi non displicere, teque utcumque eisdem favere: confideter satis, fore sperem, uti ab omnibus amplectatur. Illud item non parum me movit, ut tibi, meo

semper obseruandissimo domino, meas
hasce nuncuparem vigilias, quod Prædi-
catorum Religionem sis professus. Cui sa-
crato ordini, non modo summo tu es or-
namento, & splendori, verum, tam es
ei totis visceribus affectus, vt nullis non,
Religionem illam sis prosequutus bene-
ficiis. Quod utiq; inter complurima alia
huiusce rei munimenta, vel magnificen-
tissima illa, Salmanticæ, in sancti Stepha-
ni Coenobio, abs te, tam sumptuose ere-
cta, maxime testantur. Cum tot igitur mu-
neribus Prædicatorum ordinem affecer-
is, afficiasq; quotidie: & vt hoc etiam,
per te beneficium acciperet, æquum iudi-
caui. Illi enim Religioni (inter omnes)
opusculum hoc, maxime & conuenire &
inseruire posse certum est, quippe quæ ad
Dei verbum prædicandum instituta sit.
Accipies igitur tu, e manibus seruuli tui
huius, munusculum hoc, vt recipiant &
illi. Veruntamen vt magis tu, affectum,
quo hæc tibi offeruntur, q̃ minutula hu-
iusmodi, respicias, obsecro. Et bene in

nuncupatoria.
multos, ac felicissimos annos valebis.
Christūq; precor, vt te nobis, (ad suam
conseruandam, ac decorandam Ec
clesiam) sanum, & incolumem
conseruet atq; gubernet. Amé.

Romæ VIII. Cal. Dec
cembris. Anno M.

D. XLII.

SCRIP TVR VS De sacris
 concionibus recte formandis,
 breuibus & compendiarie
 quandam viam ita psequi de
 creui, vt tandem nihil quod ad hanc rem
 facere videatur, prætermitti patiar: vti
 omnia tamen paucis absoluantur, quan
 tum poterō, curabo. Debito igitur ordi
 ne seruato, ita in hac re procedemus, vt
 in tractatos duos, totum diuidat opus
 sentiant. In primo enim de Arte ipsa, deq;
 Artifice artis huius agendos dicam, quid
 ars hæc, quot eius partes, quid earū vna
 quæq; quæ sit istius artis materia, vnde
 maximam consequatur laudem, quodq;
 ipsius opus, quod alii instrumentum arti
 stis appellant. Et de artifice, quis sit, quod
 eius officium, quis & quomplex ipsius fi
 nis, seu (vt alii dicunt) quod, & quom
 plex ipsius opus, quod in idem redit. In
 secundo vero tractatu, in quo de concio
 ne, aut de sacra concionatoris oratione
 hæc explananda, scilicet, quid oratio, seu
 sacra concio, quot eius partes, quidq; ea

Præfatio

rum vnaquæq; , ac de recto & apposito earundem vsu, & his totum hoc nostrum absoluemus opus. Quibus rite comparatis, facile cuique erit, opinor, sacras recte formare conciones. Cæterum monendus hic lector venit, formulam hanc nequaquam ineruditis, aut indoctis paratam: sed illis tantummodo, qui, cum in liberalibus omnibus disciplinis, tunc etiam in sacris maxime literis, non mediocriter, nec vulgariter sint instituti. Sacram enim scripturam ignoranti, hæc minime vsui erunt: quoniam illa est sola docenda, ab eaq; firma omnia testimonia petenda. Verum (hac nostra tempestate) non omnibus, (etiam Theologis) datū est, ut rectam sacrae Theologiæ discendæ rationem, assequantur. Vnde factum est, ut frequenter pro sacra, & Evangelica doctrina, vanæ (in Ecclesia Christi) nugæ doceantur. Propterea igitur consulto mihi factum videbatur, si nostro (de concionibus formandis) opusculo, brevis quædam ratio Theologiæ discendæ. (peritis

simi cuiusdam viri) præponeretur. Non
parum porro fructus, ac iuaminis (& in
ipsis concionibus formandis) hūc etiam
tractatulum, Concionatori allaturū, spe-
ro: vt quisq; per se ipsum facile experiet.
Plus forte lucis in eo contenta, intelligen-
ti, ac commodè vtēti (in re theologica)
afferent, quam multorum Commentarii.
Paucula sunt hæc, fateor, sed si intelligen-
tur, magna, & multa videbuntur. Verum
si quis, non iis tam assuetus, per se ipsum
minimè hæc assequatur, (vti fieri potest)
vt cum aliis diutius in re theologica
versatus, bonarum tamen literarum
non ignaris conferat, necessum est.

Quod quidem si fecerit, remq;
assequutus fuerit, nunquam
meum, hīc, non lauda-
bit consilium.

B. ii

De ratione

BREVIS (CUI VSDAM DOMINIS
 & illis viris) discenda Theologia
 ratio. In hoc libro
 q; in illis ita notat de multis



ECTE si velis Theologiam
 discere, illud initio præstandū
 est, vt textum Bibliorum fami-
 liarem habeas. Quia in re meū
 consilium est, vt mane postquam, surrexi-
 sti, & vespere cum cubitum ire voles, lee-
 ges tanquam orandi causa, vnum, atque
 alterum caput. Ita Biblia ordine legēda,
 & si quis occurrit obscurus locus, quæ-
 rendus est interpres. Et simul obiter sup-
 excerpēda præcipuæ sentētiæ, quæ sunt
 in locos communes dirigēda, qui con-
 tineant summam doctrinæ Christianæ.

Nomenclaturam talium locorum, et si
 ex quatuor sententiarum libris (quos sic
 appellant) vtcunq; colligere possis: ex
 Concilio tamen Colonienſi facilius, &
 plenius, accipies.

Præterea danda opera est, vt informes
 tibi methodum aliquam, in qua sit sum-

Theologia discenda. 7

ma doctrinæ Christianæ. Et ad hanc acco-
modanda est epistola Pauli ad Ro-
manos. Hæc enim propemodum est me-
thodus totius scripturæ, quia disputat de
iustificatione, de usu legis, de discrimine
legis, & Evangelii, qui sunt precipui loci
doctrinæ Christianæ. Quam & Christus
tradit methodum his verbis, cum iubet
prædicare poenitentiam, & remissionem
peccatorum. Sumas igitur tibi certam alie-
quam horam, aut si libet duas, ad legen-
dam epistolam ad Romanos. Hic dilige-
ter expendendæ sunt omnes sententiæ, &
considerandum quid in utraq; partem
dici possit. Et quærenda certa Pauli sen-
tentia, observanda series argumentorum
& propositionum. Hæc lecta, postea acci-
pienda est in manus epistola ad Galatas,
quæ & ipsa veluti methodus est. Post
hanc & ad Colossenses legenda. Legendi
etiam communes loci, Concilii Coloni-
ensis. Eos tamen qui vel mediocriter in
Theologia, quam scolasticâ dicunt, non
fuerit institutus, vel non intelliget, vel nō

admodum recte accipiet. His igitur diligenter lectis, habebis quasi summam doctrinæ Christianæ. Facile ergo intelligiam ceteræ epistolæ Pauli poterūt, quia subinde idem docent.

Deinde legendum euangelium Matthæi, aut Lucæ, quoniam Marci, epitome est Matthæi. Atque hic videndum quomodo accommodanda sint omnia, & in locos illos communes inculcanda, vbi Christus loquatur de pœnitentia, seu timore, vbi de fide, seu spe, vbi de oratione, vbi de charitate, vbi de rebus ciuilibus, de magistratibus, vbi de statutis, seu legibus humanis, vbi de sacramētis, vbi discernat legem ab Euangelio, Euangelium a politica prudentia, vbi de cruce loquatur, vbi commēdet ministerium verbi, vbi ecclesiam describat. &c. Postea legendum Euāgelium Ioan. quod magna ex parte continet conciones Christi de fide, charitate, & iustificatione.

Instruendus & libellus articulorum fidei, de Trinitate, de creatione, de duar

bus Christi naturis, de peccato originali, de libero arbitrio, de iustitia, de ecclesia, de clauibus, de premio bonorum operū, & punitione malorum, de sacramentis. Hic libellus pene similis erit locis communibus, sed tantum breuiter debet tenere sententias, quæ probent articulos, seu dogmata fidei, sicut in Concilio Coloniensi, in expositione symboli factum est, cuius exemplum inde petere potes.

Postq̃ sic præparatus es in nouo testamento, cognoscendum est & vetus. Et accipiendus in manus vnus aliquis liber, qui diligenter legatur. Vellem initio legi Genesim cum enarratione, postea Deuteronomion cum enarratione, deinde Psalterium. Et in iis diligenter videndum est quomodo & hæc quadrent ad locos illos communes, qui summam doctrinæ Christianæ continent. Nam in his libris eadem est de fide, spe, & charitate, de timore, de cruce, de bonis moribus doctrina, quæ est in Euangelio. Quærendæ etiam promissiones, & comminatio

nes. Hæc tum demum intelligi poterunt cum aliquis in vita usus accedit, cum ratio exercebit animum, & orare coget. Neq; vnquam tamen defunt orandi occasionēs. Ac diligēter in Psalterio discernendi sunt Psalmi. Alii continent prophetias, alii sunt deprecationes tantum, alii continent præcepta, alii continent promissiones. Hæc genera facile animaduertet, vel mediocriter peritus literarū communium, & sciet quomodo reponenda sint in locos communes, de quibus supra dixi.

Post Psalterium legendi sunt Prophetæ cum enarrationibus, vt Ionas, Zacharias. &c. Hic videbis quomodo author illarum narrationū totam rem ad communes illos locos transferat, de quibus supra dixi, namq; talis quispiā est legendus. Proderit etiam conferre alios interpretes, vt videas quam inepti sunt illi, qui non norunt, rem ad illos locos reuocare. Deinde lecturus reliquos Prophetas non difficulter intelliget eos. Sciet enim

enim eos partim arguere peccata, seu legem docere, partim vaticinari de Christo, seu Euangelium tradere, & consolari consciências. Referet tamen omnia aut ad doctrinam de pœnitentia, aut de fide, spe, & charitate erga Deum, aut de cruce, aut de aliis locis cognatis. Multum tamen adiuuabitur in iis etiam a diuo Hieronymo, nonnihil a Lyrano, qui satis diligens est in historia. Et qui sciet omnia ad locos communes referre, huic nihil opus est quærere multos sensus. Hoc potius agat, vt certam quandam sententiã constituat, quæ certo conscientia docere possit de voluntate Dei. Est enim ad vsum, & ad tentationes comparanda cognitio. Illud tamen nequaquam hic prætereundum, quod etiam si multiplex sacræ scripturæ sit sensus, maximo tamen cum iudicio, & ratione illa sensuũ varietas, inde venanda est. Non enim cuiq; loco, quisq; sine discrimine sensus, conueniet. Vna etenim est & simplex, scripturę sententia, quam adfert grammatica enarratio. Hęc

De ratione

vna cum sit certa, maxime docere, & confirmare consciētias potest. Sequatur igitur semper (si scriptura ipsa permittat) iuxta Grammaticæ, seu Rhetoricæ præcepta, propriam, & nativam sententiam. Interdum tamen allegoria vti concessum est, si id cum iudicio, & ratione quadam fiat, & in talibus locis, quos constat ideo traditos esse, vt recte aliquid significarēt, vt si quis propitiatorium, & arcam interpretetur. Et tamen allegoriam tractantibus, summam Christianæ doctrinæ tenere opus est, alioqui non potest fieri, quin recta via deerrent. Sicut sæpe videmus multos hallucinatos esse. Videndum est igitur quid sit consentaneum scripturæ: nam si pugnet allegoria cum apertis scripturis, explodenda erit. Et ita certe non est mediocris prudentiæ intelligere, vbi deceat allegoria. Iam vero hoc in allegoriis seruetur, vt sicut aperta significatio, vna est, ita non plus vna significatione latuisse in litera putetur, vt mactatio agni phasis nihil significat, nisi Christi mortē.

Theologiæ discendæ. IO

In sensu vero quem tropologicum, seu
 moralem vocant, non mutatur significa-
 tio verborum historiæ, tantum simile ex-
 emplum ostendit, quod imitari nos con-
 ueniat. Sicut in humanis literis exempla
 proponuntur, vt si quis exemplum com-
 memoret mulierculæ, quæ patrem, quem
 Triumviri Romæ fame necari iusserant,
 in carcere vberibus suis aluit. Cum adhor-
 tamur liberos, vt pietatē parentibus præ-
 stent, similitudo mouet animos, verba hi-
 storiæ in aliam significationem transfe-
 re nihil opus est. Cum recitamus Christū
 dedisse Didrachmum, & hortamur, vt il-
 lius exemplo magistratus vereamur, non
 mutantur historiæ verba, sed propter fa-
 cili similitudinem accommodantur ad præ-
 sentem causam. Vt Abraham deseruit pa-
 triam, ita nos relinquere potius omnia
 debemus, quam offendere Deum: exue-
 re amorem rerum præsentium debemus,
 & sequi voluntatem Dei. In talibus locis
 nihil opus est mutare historiæ verba, sed
 a simili talia argumenta ducuntur.

De ratione

Obscurus locus in scripturis apertior
ri exponendus, vt scriptura scripturæ sit
expositio, ne committatur quid humano
ingenio quod posset (sicut in quorūdam
interpretum nugis sæpe factum videre li-
cet) comminisci, quod vel a scripturis
alienum esset, vel prorsus pugnaret. Scri-
pturam tamen scripturæ locis exponere
non est opus, nisi coegerit, aut loci obscu-
ritas, aut breuitas.

In scripturis præterea loci sunt pleriq;
multi, qui secum in speciem pugnare vi-
dentur. Hos expedies, vt congruant sibi
per circumstantias textus, & consiliū scri-
ptoris. Sicut vnus est Dei spiritus, ita est
vna & eadem spiritus sententia, pugnan-
tia loquitur nūquam. Sæpe etiam pugna-
re videntur loci, propter vocabula ab in-
terpretibus, aut perperam, aut superstitio
se reddita: hos natiuis expones linguis,
quibus loquutus est dominus.

In legendis historiis sacris, in primis
obseruandum est, quod Deus in scriptu-
ris sacris duplicia exempla reliquit me-

Theologiæ discenda. II

moriam prodita, gratia, scilicet, & iræ. In quibus velut ob oculos ponit legis, & Euangelii virtutem, incomprehensibilem suam bonitatem, & facilitatem, & intollerabilem suam seueritatem iusti iudicii. Sunt itaq; historiæ perpetua, voluntatis diuinæ tum erga pios, tum impios, argumenta: qualis tum erat Deus erga impios, talis est & hodie. Ita historiæ ad posteros pertinent, non quod historiæ respiciant ad hominis ipsius personam, sed ad ipsius aut pietatem, aut impietatem.

Accommodaturus historias, recte oportet inter se conferat illius seculi mores cū huius seculi moribus. Omnia quæ nouū, aut vetus testāmentum habet, ad nos posteros pertinent quoq;. Omnia siquidem scripta sunt ad nostram doctrinā, & consolationem. Ad hæc historiæ sunt prophetiæ loco, cum sint hypotyposes, & zographiæ piorum, & impiorum: sunt quoq; prophetarum veteris testamenti sigilla. Qui ad hunc modum accommodauerit historias, docebit feliciter. Sunt etiam in

historiis eligenda exempla politica, quæ docent qualia magistratuum debeant esse officia. Non est negligenda temporum supputatio, & cætera, quæ Grammatici, aut Rhetores iubent obseruare.

Interim cum sic versaris in Bibliis, interdum legendum est aliquid Augustini: nam is longe præstat aliis veteribus, præsertim in iis, quæ scripsit contra Pelagianos, de spiritu & litera. Item contra Iulianum. Inspiciendus aliquando Hieronymus, & alii antiqui, & sacri doctores, ac obseruandum quid iis desit, aut in qua parte maxime valeant.

Legendi & veteres Canones, Cõcilia, & patrum Decreta, vt sciamus quid decreuerit, & cõstituerit Ecclesia. In tota vero doctrina ecclesiastica diligenter obseruandum est, quæ pars ad spiritualem vitam proprie pertineat, quæ pars doceat de ciuili cõseruatione, & de politicis rebus. Sciendum quid ad Euangelii doctorem pertineat, & doctrina Euangelii procul seiungenda est a politica. Neq; tamen

Theologiæ discendæ. 12

improbandæ sunt res politicæ , sed vt
aliæ bonæ creaturæ honore adficiendæ.

Et quia sæpe accidit , vt defendenda
sint dogmata Christiana , præpares te ad
id quoq; quod fit in scholis.

Aliquid operæ collocandum est in hu
manis literis , & exercendus stylus , vt cū
opus erit , perspicue explicare possimus
controuersias religionis. Et prodest ali
quando sumere aliquam controuersiam ,
eamq; accuendi & exercendi iudicii gra
tia præscribere. Potes Anabaptistas refel
lere , qui contendunt a facultatibus disce
dendum esse , easq; in cōmune conferri
oportere. Item non esse iuramentum præ
standum magistratibus , & similia.

Est etiam & ad perfecte intelligendas
scripturas & refutandos hæreticos , co
gnitione linguarum opus. Multæ enim
controuersiæ diiudicari possunt , recte co
gnita natura sermonis & figurarū. Neq;
tamen de natura sermonis , & de figuris
iudicare poterit quisquam , nisi legerit e
loquentium hominū scripta , Ciceronis ,

De ratione

*Liuii, Vergilii, Terentii, Ouidii, Quinti-
liani. Addendi sunt & Græci, Homerus,
Herodotus, Demosthenes, Lucianus. Ad
hæc accedat stylus seu exercitium scribē
di, quæ res vel in primis acuit iudiciū.*

*Si quid ex philosophia aut iure volet
Theologus sumere, viderit ne inepte cō-
misceat doctrinam spiritualem cum po-
litica. &c.*

*Cæterū Dialectica perinde opus est,
vt Grammatica & Rhetorica. Nam cum
his ita coniuncta est, vt diuelli ab eis non
possit. Ego tamen optarim, Theologos
non negligere philosophiam, quia non
nulli vituperant alias artes, cum non no-
uerint, qui si nossent, pluris facerent. Sed
hic magnopere opus est cauere, ne inepte
confundatur doctrina Christiana &
philosophica. Quare scire oportet earū
regiones & interualla. Idem de Iuriscon-
sultorum disputationibus iudico, quas
aliquando inspicere conducet.*

*Breuitè hic complexi sumus cōmu-
nissima præcepta theologiæ discendæ,
de quibus*

de quibus multa multi composuerunt volumina. Verum ego non admodum opus esse longioribus preceptis in hac parte iudico. Nam via quadam cognita, postea res non in libellis, aut preceptorum multitudine quaerenda est, sed potius usu comparanda. Addemus tamen ad superiora precepta, vnum quod maximam in hac doctrinae partem vim habet, vt, scilicet, consideremus, qui loci communes hereant in re, vel causa scripturae nobis propositae, & quae rationis observatio in illis inde deligendis, habenda sit. Et quoniam (vt in praefatione monuimus) tractatum istum ad faciliorem Concionum formationem ordinamus, ab ipsis ecclesiasticis Concionibus exempla sumemus, quae prorsus otiosae erunt, nisi ad praecipuos locos doctrinae Christianae referantur. Siquis igitur enarret historiam Davidis, quomodo propter admissum adulterium a Propheta obiurgatus sit, locus communis erit de poenitentia. Et si enim & de adulterii turpitudine multa dici possunt,

De ratione

tamen delectus adhibendus est locorum, & excerpendus is, qui maxime proprius est doctrine Christiane. Porro in hac historia omnes poenitentiae partes egregie depictae sunt. Habet enim non solum ob- iurgationem, sed etiam absolutionem, quam in sacris historiis praecipue querunt pigmentes.

Voco autem locos communes, non tantum virtutes, & vitia, sed in omni doctrinae genere praecipuos locos, qui fontes, & summam artis continent. Neque tamen omnibus ubique utimur. Sed unusquisque sciat se debere suae artis praecipuos locos tenere, ut cum aliqua de re dicendum erit, statim offerant se idonei loci.

Quidam putant se locos communes tenere, cum de variis rebus coaceruatas sententias habent, quas passim tum ex sacris literis, tum ex Poetis, tum ex Oratoribus excerpserunt. Et quia iudicant hanc coaceruationem insignium dictorum perfectam esse doctrinam, nihil habent consilii in legendis authoribus, nisi ut inde

Theologiæ discendæ. 14

tanquam flores dicta quedam decerpāt. Interim nullam artem perfecte discunt, nullum scriptum totum intelligunt, nusquam totum orationis genus considerant. Hoc studium exiguam habet utilitatem, & hoc nomine plurimū nocet, quia in stultis doctrinæ persuasionem parit, qua nihil est perniciosius. Sciendum est igitur, ita locos communes recte cognoscere, si artes illæ in quibus versantur, perfecte cognite fuerint. Et ut locos communes apte in causis intertexere possimus, opus erit perfecta eorum cognitione. Verum quia in civilibus negociis sæpe existunt disputationes de virtutibus, de vitiis, de fortuna, de legibus, consuetudine: ideo Rhetores horum locorum præcipue mentionem faciūt, qui tamen neque perfecte intelligi, neque copiose, ac varie tractari possunt, nisi cognitis illis artibus in quibus versantur. Quare necesse est ad bene dicendum addere studium omnium maximarum artium, philosophiæ doctrinæ, religionis, ac iurispublici.

De ratione

Interim tamen hoc studium colligendi dicta scriptorum, habet aliquam vtilitatem. Habent enim multa lumina verborum, & multas figuras, vt elegans metaphora est in versu de experientia, Discipulus est prioris posterior dies. Neque solū propter venustatem citantur, sed etiam propter authoritatem: habent enim velut pondus testimonii, quia a magnis viris prodictæ sunt. Interdum etiam breue aliquod dictum ita rem definit, vt magis ostendat eam, q̃ prolixæ disputationes Philosophorum, vt definitio legis apud Demosthenem. Quare hæc diligentia colligendi sententias, non solum verborum copiam alit, sed nonnihil etiam ad rerū cognitionem conducit: sed tamen vt copiose, ac varie tractari loci communes possint, accedere oportet ex ipsiis artibus perfectam doctrinam.

Cæterum ad colligendas sententias etiam adhibenda est ratio quædam. Nam & memoria adiuuabitur, cum ordine distribuerimus eas in certas classes, & hæc

Theologiæ discendæ. 15

distributio rerum inter se ordinem ostendit. Est autem & hæc quædam pars eruditionis, rerum ordinem, initia, & progressionem videre. Optima autem in distribuendo œconomia erit, si sequemur artium discrimina. Cauendum est enim (ut sæpe iam monuimus) ne confundantur artes, sed obseruandum, qui loci sint theologicæ, qui sint philosophici. Ac philosophici possunt peti ex partibus hominis, ratio, artes, prudentia, virtus, affectus, consuetudo, corpus, forma, ætas, fortuna, diuitiæ, œconomia, coniugium, educatio liberorum, politia, magistratus, lex, bellum, pax. Facile est autem genere partiri, & videre quæ sententiæ, quæ exempla, quæ similitudines in qualibet specie collocari debeant. De hac ratione annotandi, extrat Rodolphi Agricolæ epistola, quam vellem studiosos omnes ad verbum ediscere, eam in calce huius opusculi subscribemus.

FINIS.

DE SACRIS CONCIONI-
bus recte formandis, Tractatus
Primus.



QVEMADMODVM sine
cōtrouersia, solus Dei spiritus
proditæ scripturæ est author,
ita & solus sui verbi est verus,
ac fidus interpret, imbuens omniū fide-
lium animos sana, & recta verbi sui co-
gnitione. Verum exterius etiam per suos
quoq; ministros homines, de sua nos do-
cet voluntate, suumq; per eos nobis ver-
bum proponi vult. Hæc tamen institutio
non fit his seculis, Euangelio confirmato
miraculis, & prodigiis, sed diligenti, nō
modo sacrarum, sed aliarum quoq; scien-
tiarum, lectione. Has siquidem non teme-
re dedit dominus, sed vt sint, tum ad mi-
nacula, tum etiam emblemata. Quod au-
tem ad docendi, aut discēdi modum spe-
ctat, id ex Dialecticis, & Rhetoricis est pe-
tendum. Nemo est tam perspicax inge-
nio, qui non infelicitissime, omni opera lu

sa, vel discat, vel doceat, neglecta Dialectica, & Rhetorica. Nemo etenim clare, exacte, proprie, ac ordine docebit, nisi Dialecticam, & Rhetoricam fuerit secutus velut Thesei filium. Has autem qui sequitur duces, præter hoc, quod non modo suam adiuuat memoriam, sed aliorum, itidem rem ita exponit plane, ac si in tabulas suis expressam coloribus cerneret. Cæterum licet concionandi ratio, artis Rhetoricæ, quædam vel pars, vel imago sit, nonnihil tamen ab ea differt. Habet enim suas sibi accommodatas definitiones, suoque peculiari quoque modo, dicendi genera tractat. Quod quo pacto fiat, prout nobis a Christo dabitur, hic ostendemus: ab ipsaque huius artis definitione exordium faciemus, quam sic definire placet.

De arte concionandi.

ARTE concionandi, est facultas hominem alliciendi, ad virtutes, & con-

De sacris concionibus
templationem, ac cognitionem diuinorum, ex sanctarum scripturarum promulgatione.

Ex promulgatione inquā, sanctarum scripturarum: quoniam hoc differt oratio de rebus sacris, & pphanis. Prophana formari potest sagaci industria. Sacra autem sacris scripturis fingēda est, etiam contra humani ingenii acumen: ob id conuenit egregie versatum esse in sacris, qui Rhetorico ordine declaraturus sit.

De partibus huius artis.

AR T I S concionandi partes, numero sunt quinque, scilicet, inuentio, dispositio, elocutio, memoria, & pronuntiatio. Quæ & ideo partes huius artis habentur, quod ex his veluti integræ ipsa & constituitur, imo vero vel ob id, quod si earū aliqua defuerit concionatori, imperfecta in eo hæc ars siue facultas erit. Harum igitur vnamquāq; ordine tractabimus, & primo de inuentione dicemus quid sit.

Inuentio est rerum verarum, aut verisimilium excogitatio, quæ causam probabilem reddant, hoc est, quæ faciant, ut fides habeat iis, quæ a Concionatore dicuntur ad persuasionem. Omnia enim quæ in Concione Concionatori sunt dicenda, prius ab eodem sagaci, & prudenti cogitatione, inuenienda sunt.

Primo igitur oportebit Concionatorem inuenire, & excogitare, proposito themate, ad quod genus causæ (de quibus generibus inferius dicemus) proposita ad dicendū res, hoc est, thema ipsum pertineat. Deinde ubi illud iam cognouerit, iterum illi excogitandum erit, unde dicturus de re proposita, exordium summat. Post exordiū deinde quomodo narret singula inuenta, atq; disposita. Rursus post hoc si multa illi dicenda foret, quemadmodum ea omnia per partes distribuat: ne, scilicet, illorū multitudinem, & perplexitatem, intellectus auditoris confundatur, distrahaturque. Post hæc quibus quæ

De sacris concionibus

narrauerit, argumentis confirmet, aut vicissim quę contra se adduci possunt argumenta, cōfuter. Postremo quo pacto hæc omnia Peroratione congrua, atq; decen-
ti agat, & concludat.

Quibus quidem ad istum modum rite peractis, videbitur ipse haud dubie officio suo probe functus esse.

De dispositione, & de duplici eius rōne.

Dispositio est, per quam illa quę inuenta sunt, in ordinem quendam rediguntur, hoc est, ordo, & distributio est rerum inuētarum, quę demonstrat, quid, quibusq; locis, sit collocandum.

Per hanc artis partem intelligimus, quę dicenda sunt, quo loco, quo modo, & quando dicenda sunt.

Huius quidem partis duo sunt modi: vnus qui ab institutione artis proficiſciſ, & hic ordo naturalis est, vt qui ex natura causæ, id est, rei de qua agitur, procedit: alter qui ad casum temporis accom-

modatur, hoc est, qui Concionatoris ingenio, & artificio comparatur, vnde artificiosus ordo appellatur. Quippe qui personis, locis, temporibus accommodatus, naturalem rei ordinem, artificiose, ingenio seq; commutat. Quæ, ut perfectius, pleniusq; intelligantur, paulo latius declaremus. Naturalis igitur ordo est, cum post orationis principiū, narratio, & reliquæ deinde ipsius orationis partes, quæ sunt diuisio, confirmatio, confutatio, & peroratio, ordine sequuntur. Artificiosus vero est, cū Concionatoris iudicio ad tempus dispositio accommodatur, hoc est, cum a naturali ordine ad tempus recedimus, ut si prætermisso principio, siue exordio, a narratione dicere incipiamus, aut ab aliqua firmissima argumēratione, aut ab aliquarum literarum recitatione, si forte literæ apud nos extent, quæ causam nostram iuuare possint: aut post exordium confirmatione utamur, deinde narratione: aut si quam huiusmodi naturalis ordinis permutationem faciamus.

De sacris concionibus
Quorum sane nihil alioqui, nisi causa po-
stulauerit, fieri oportebit.

De elocutione.

Elocutio est idoneorum verborum, &
sententiarum ad inuentionem accom-
modatio.

Quod ait ad inuentionem, intellige ad
res inuentas. Nam prius res habere oportet,
deinde verba accommodare. Hac ef-
ficatur, ut cum quis ornatè, distinctè, aper-
teq; dixerit, eloquentia merito esse videat-
ur. Qui de elocutione scripsere, eam quàm
breuissime in duabus partibus consistere
dixerunt, in verbis, & sententiis: id quod
ex eius hic definitione posita, facile intel-
ligi datur. Ceterum nollem Concionato-
rem in hac parte nimium sollicitum esse.
Vanissimum enim illorum studium est,
& simul tum laboriosissimum, qui præ-
scripta verba ediscunt: rem nobis bene
meditatam oportet, præterea ordinè quo
tractare singula volumus. Et tum sicut

Recte formandis. 19

corpus vmbra sequitur, ita ipsa vltro se offerent verba, iuxta versiculum Horatiū in arte poetica.

Verbaq; preuisam re non inuita sequunt.

De memoria.

MEmoria est firma animi, rerū, & verborum, dispositionisq; perceptio.

Hęc, licet natura maxime constet, multum tamen in ea valere artem, & præceptionem certum est. Sunt igitur memorie duę, vna naturalis, altera artificiosa. Quę etiam ita inter se mixtę sunt, atq; coniunctę, vt sicut naturalis arte seruanda est, ita artificialis iuuanda sit natura.

Naturalis memoria est, quę nostris animis insita est, & in nobis sine multa cogitatione nata.

Artificiosa memoria ea est, quam confirmat inductio quædam, & ratio præceptionis. Quippe quę multa indiget cogitatione, imo nihil æquę, vel augetur cura, vel negligentia intercidit. Huius poro

De sacris concionibus
ró artificii hoc munus præcipuum est, ut
nō tantum firma, verū etiam celeri com-
prehensione res, verbaq; percipiantur. Re-
liq̃ta igitur naturali memoria, de artificio
sa tantum in præsentia dicamus.

Et hanc partem cæteris huius artis par-
tibus latius, prolixiusq; tractare hic pla-
cet, quoniam hæc utiq; huiusmodi est, ut
præter eam totus labor, qui impenditur
huic studio, inanis fere sit, nisi cæteræ par-
tes, hac veluti spiritu contineantur: hoc
ipsum affirmāte Cicerone in prologo de
Oratore. Quid (inquit) de thesauro rerū
omniū memoria dicam, quæ nisi custos
inuentis, excogitatisque verbis, & rebus
adhibeatur, intelligimus omnia etiam si
præclarissima fuerint, in Oratore peritur-
a? Merito igitur aliquantulus in hac par-
te, maior collocandus labor.

Constat autem artificiosa memoria ex
locis, & imaginibus. Nam sicut id quod
scribitur, cera, aut carta continetur & lite-
ris, sic quod memorię commendandum
est, in locis tanquam in cera, paginaq; si

gnetur. Imaginibus enim quasi literis rerum recordatio continetur. Quæ tamen res, magnam exercitationem, laboremq; conquirat, in qua omnia quæ sequuntur obseruanda sunt præcepta.

Scribamus ipsi quæ facile volumus retinere, hoc est, meminisse.

Si longiora fuerint, quæ sunt ediscenda, ea per partes diuidantur. Diuisa enim per partes facilius memoriæ inhærescunt. Tum apponere notas rebus singulis, quas volumus maxime meminisse, oportebit.

Quæ ediscenda sunt, atque memoriæ mandanda, non magna voce legenda sunt, sed murmure potius meditanda.

Nocte magis, quàm interdiu maturius excitari memoriam manifestum est, cum ad hoc silētium non parum iuuat, nec foras a sensibus vocatur intentio.

Loca sint mediocri luce, mediocri distantia, & in parte quietæ, quantum fieri potest, sita, ut & re & nomine possint imaginum rationi correspondere. Sicut autē

De sacris concionibus

nimīa dilatio, ita nimīa compressio nocet. Cauendum igitur ne nimium dilata, fusa, ac vaga, incerta, anceps, & ignara mens, fluctuet: quod ne cōtingat, oportebit loca, quę sumptis, egregie notare, vt perpetuo nobis hærere possint. Nam imagines, sicut literę, delentur, vbi nihil vtimur. Loca vero sicut cera remanebūt.

Plures loci debent esse, vt plures imagines collocare possimus.

Quintilianus, & Cicero, quintum quemque locum notandum commemorant. Quod nobis aulas, aut cubilia intratibus facile fiet.

Locos ordine locatos a sinistra, consueuerunt qdam, recensere ad dexteram.

Nunc ad imaginum rationē transeamus.

Imagines sunt formę quædam & notę, & simulachra eius rei, quam meminisse volumus. Quod genus sunt (exēpli gratia) Equi, Leones, Aquilę, aut aliarum quarumlibet rerum: vt si de equitatu, aut
de

de'equestri certamine dicturi, de hoc firmam, celeremq; habere voluerimus memoriam, equi imaginem in certo aliquo loco collocare oportebit.

Imagines sunt duplices, quædam rerum, quædam verborum. Rerum similitudines exprimuntur, cum ipsorum negotiorum imagines comparamus. Verborum similitudines constituuntur, cum vniuscuiusq; nominis, & vocabuli memoria imagine notatur.

Rei totius memoriam, sæpe vna nota & imagine simplici, comprehendimus. Cum autem verborum similitudines, imaginibus exprimere volemus, plus negotii suscipimus, & magis ingenium nostrum exercebimus.

Facilior est rerum imaginatio, verborum autem difficilior. Oportebit igitur in hac secunda, memoriam naturalem crebro exuscitare, vt vocabulis positis, ipsi nobiscum primo transeamus bis aut ter eundem versum, seu vocabulorum ordinem, deinde cum imaginibus verba

De sacris concionibus
exprimamus: hoc modo naturæ suppe-
ditabitur doctrina.

Imaginum quædam facile sunt delebi-
les quædam longius manēt: parue enim
res, vſitate, & quotidianæ, facilius memo-
ria elabuntur. At vero egregiæ, incredibi-
les, ridiculæ, insignes, & nouæ, diutius
manent.

Sint autem similitudines multum co-
gnitæ nobis, & aliquid agentes, cum inſi-
gni quadam nota, vel pulchritudinis,
vel turpitudinis, aut certe ridiculi cuius-
dam. Ad eas constituendas plurimū nos
iuuare solent, quæ sequuntur.

Effictio corporum, vt cum senē faci-
mus tremulentum, incuruum, labiis de-
missis, canum.

Notatio affectuum, vt voracē lupum,
timidos lepores, sic læta iuuentus, tristis
senectus, prodiga adoleſcētia, auaræ mu-
lieres, liberales viri, pallida fames.

Etymologia, vt Philippus amator
equorum, Iacobus supplantator.

Cognitio verbi a sono vocis, vt tataræ

tantara, hinitus equi, mugitus bou, bom-
bitus apum, grus gruum. &c.

Rerum effectus, vnde cuilibet mensi
officia sua assignamus, cuilibet diei suum
planetam, vel hebdomadæ exercitium.

Arma, instrumenta, officia, suos indi-
cant authores, vt mola, subula, rastri.

Oppositum sæpe suum contrarium si-
gnificat, vt testudo pro velocitate, secun-
dum ironiam.

Accidens etiam suum subiectum con-
notat, vt nigredo Aetiopem, fuscedo Ita-
lum, albedo Belgas.

Memoriam aut potissimū duo saluāt,
positio sub ordine, & frequēs meditatio.

Ad extremum plures huic arti literas
reales adiungunt, quæ multū valent ima-
ginibus adpensæ, seu tanquam notæ in-
iunctæ. Quæ omnia debet assiduitas exer-
citationis diligenter experiri.

De pronunciatione.

CV M de quatuor, artis cōcionandi,
partibus supra dictum sit, vt de quin

De sacris concionibus
ta, & vltima (pronunciatione scilicet)
nunc dicamus, oportet.

Pronunciatio est vocis vultusq; & ge-
stus moderatio cum venustate.

Ex hac definitione tres pronunciatio-
nis partes colliguntur, vox, vultus, & ge-
stus.

In voce prima illa est observatio, qua-
lem habeas: secunda quo modo ea vtaris.

Natura vocis duabus spectat rebus,
quantitate, & qualitate. Quantitate, an sit
grandis, aut exigua. Qualitate, an sit ple-
na, an exilis, an lenis, an aspera, an con-
tracta, an fusa, an dura, an flexibilis, an
clara, an obtusa. Et sicut bonæ vocis do-
tes, cura augentur, ita negligentia minu-
untur.

Vox igitur sit modesta, sedata, & audi-
tori tamen sufficiens, ac exaudibilis. Vbi
præiudicant, loci quantitas, auditorum
multitudo, atq; distantia. Omnis autem
nimietas vitanda est, vt voculatio non
nimis expressa sit, cantare enim, & modu-
lari (vt fit in Italia) viciosissimum est: nec

fic depressa, vt etiam a proxime astanti/
bus, vix, aut minime audiat, Quo vitio
in cōcionis principio quidam, & eorum
quamplurimi, stulte laborant, putantes
ad vnguem seruare illud Ciceronis in ter
tio ad Herennium, qui ait: Quam maxi
me sedata, & depressa voce principia dī
cemus. Qui enim vocem iubet deprime
re, is nec taciturnitatem laudat, nec mussi
tare præcipit, sed dicere vt facile audias,
licet sedato sono.

Distincta sit vox, singulis literis suo so
no pronunciatis, non lingua balbutien
ti, nec nimium accelerata, non naso reso
nante, tussi, sputo, emunctione, labiorum
motu, quasi faucibus aliquid obstiterit
confuso murmure, aut quasi memoria fe
fellerit silentio deformata.

Virilis sit pronunciatio, a pectore reso
nans, non pinguis, subdura, exilis, effoe
minata.

Dulcis sit, non ácerba, & agrēstis, non
acutis exclamationibus violenta.

Præuisa sit, vt dum præsens sententia

De sacris concionibus
pronunciatur, proxima oculo, aut mente
prouideatur.

Exordium æquabili voce. Narratio
punctuata, & rerum, ac personarum pro-
prietates representante, recitanda est.

Confirmatio, & confutatio ad auctio-
re sono, cum quadam honesta varietate.

Si autem iocosus quispiam incidat ser-
mo, eum cum parua, prudentiq; risus si-
gnificatione, ostendemus.

Conclusio, virili vultu, voce tonanti,
commutationibus crebris, & debita cele-
ritate proferatur.

Commiserationem vero, voce humi-
li, & sono inclinato, crebris interuallis,
iuctuoso plangore, mœsto, & conturbato
vultu proferamus.

Extrema in concione, vno spiritu con-
tineret multa dicamus, vt auditoris ani-
mum quamuchementissime moueamus.

De vultu.

DOminatur maxime vultus in cōcio-
ne. Nā hoc supplices, hoc minaces,

hoc blandi, hoc tristes, hoc hilares, hoc erecti, hoc submissi sumus, hoc pendent homines, hunc intuentur, hunc spectant, etiam antequam dicamus, hoc quosdā amamus, hoc odimus, hoc plura intelligimus, hic est saepe pro omnibus verbis. Sed in ipso vultu plurimum valent oculi, per quos maxime animus emanat, ut citra motū quoque & hilaritate enitescant, & tristitia quoddam nubilum ducant. Quinetiam lachrimas his natura mentis indices dedit, quae aut erumpunt dolore, aut lachrima manant.

Pronunciandum igitur, vultu quam modestissimo, non verecundo, non timido, non moesto, & etiam arroganti, vel audaci.

De gestu.

Gestus sit recto corporis statu, & quis pedibus, facie, oculisque secundum naturam rectis: non facie humiliter deiecta, nec arroganter supina, nec in latus rustice inclinata, nec conniuentibus compres-

De sacris concionibus
sive oculis.

Manus sint nec immobiles, nec ut leuium histrionum nimis, ac indecore gesticulantes, sed rem grauitate quadam ostendant, & quod vultus aduersatur, ipsæ repellant. Cauendum ne gestu ad latera verso, alterius lateris auditores, vocem parum concipiant.

Vitiosi gestus sunt, suspicere, & tacendo intueri laquearia, perfricare faciem, crebro digitorum, labiorumque motu commentari, infringere articulos, supercilia corrugare, manus intueri, simulare solitudinem, & cætera id genus deformia.

Omnia igitur hæc maxima cura in pronuntiatione obseruanda, quoniam habet pronuntiatio miram quandam in Concionibus vim, & potestatem. Nam non tam refert, qualia sint, quæ intra nos met ipsos composuimus, quam quomodo efferrantur. Ita enim quisque ut audit, mouetur.

Affectus siquidem omnes languescant necesse est, nisi voce, vultu, totiusque prope corporis habitu inardescant.

Hæc

Hæc tamen omnia, tria nobis copiosissime subministrabunt, Ars, scilicet, & optimorum imitatio, ac exercitatio indefessa.

De materia artis concionandi.

CV M superius de concionandi arte, deq; partibus eius dixerimus, quæ eius sit materia hoc loco dicendum. Materiam artis eam dicimus, in qua omnis ars, & facultas, quæ conficitur ex arte, versatur. Ut si medicinæ materiam dicimus morbos, ac vulnera, quod in his omnis medicina versetur. Item quibus in rebus versatur ars, & facultas concionandi, eas res materiam artis concionandi nominamus. Has autem res alii plures, alii pauciores existimauerunt. Nos autem (qui omnes ferme, qui de hac re scripserunt, vidimus) tribus in generibus rerum, versari Concionatoris officium, ratione colligimus, Didactico, scilicet, demonstratiuo, & deliberatiuo.

Didacticum genus est, quod positum

De sacris concionibus

in dubitatione, quandam habet in se facultatem docendi, qua apte certoq; de fide, & religione Christiana docere possimus. Didacticos enim græce, idem est, quod latine, habilis, idoneus, aptus, & appositus ad docendum.

Demonstratiuum genus est, quod attribuitur in alicuius certæ personæ, aut rei, aut facti laudem, vel vituperationē, cum amplificatione.

Deliberatiuum genus est, quod positū in consultatione, habet in se suasionem, & dissuasionem.

Omnis igitur erudita Concio, siue ad doctrinam fidei, & religionis, siue ad formandos mores pertineat, siue historica sit, siue aliquid commendare velit, potest cogi in suum rhetoricum genus.

Docturus itaq; aliquid exacte, Concionem iuxta Didactici generis præcepta, instituet.

Historice traditurus, aut commendaturus aliquid, assequatur genus demonstratiuum.

Formaturus mores suadendo, aut dissuadendo, locis generis deliberatiui utatur: quo autem pacto hoc fieri oporteat, ostēdemus inferius suis locis, cū de sacra ipsa Concione, eiusq; partibus, agemus.

Vides autem nos ex Rhetorica, (quoniam ratio concionandi, illius artis quædam vel pars, vel imago est) quædam concionum genera mutuatos esse. Quare mirari posset aliquis, cur non omnia causarum genera, inde (quod alii quidam fecerunt) ad Concionatores etiam transtulerim. Ego vero iudiciale genus prætermisi, quoniam genere iudicali utimur in litibus, & controuersis. Et non est huius in sacris concionibus creber usus. Et si commode tamen eo utimur in concionibus de lege, & Euangelio, ubi per legē damnamus hominem, Euangelio autem restituimus in gratiam. Item in controuersis, & disputationibus, cum hereticis, de libero arbitrio, de purgatorio, de sacramento Eucharistiæ, de Anabaptismate. &c. Exempli sunt, ubi Christus contendit cū

De sacris concionibus

Scribis, & Phariseis passim apud Evangelistas. Verum in his etiam, commode videbam cōtentiones concionum, in Didactico genere posse complecti, maxime cum non tam utatur Concionator locis dicanicis, sed magis autoritate scripturæ pugnet, ad quam locos didacticos, adhiberi (vt infra ostendemus) oportebit. Et alio quodam modo litigare Concionatorem decet, quam Oratorem in foro. Hanc habeat curam præcipuam, vt plane, & præcipue doceat, vt consciētias diligentissime muniat: id non potest effici, nisi certissimis, & planissimis scripturæ testimoniis, nec valēt hic coniecturæ, aut strophæ, quæ sæpe plurimum Oratori in ciuilibus causis prosunt.

Vnde hæc ars potissime laudem
consequatur.

Artis concionandi maxima laus est,
celare artē: ne ficta concio iudice
tur, & comparata, artificii significādi, in

geniūq; vēdītandi, & memoriæ ostenden
de causa. Et maximam utiq; laudem con
sequetur, si sacra Concio arte confecta, ta
lis sit, qualis a Plutarcho describitur: Vi
ri (inquit ille) civilis eiusmodi debet es
se oratio, ut neq; recens, & theatralis, tan
quam ostētantis cuiuspiam, & mollibus
simul, & floridis verbis veluti innecten
tis fecta, videri possit, neq; exquisitis cu
riose commentis, & duris ambitibus ex
amussim, & ad perpendiculū exacte com
posita: verum, ut a Musicis probe insti
tutis, fides tractātur leniter, atq; placide,
non vi, atq; impulsu concutiuntur: sic &
in eorum, qui reipublicæ consulunt, ac
præ sunt oratione, existere debet nō astus,
non caliditas, non proprie laudis arro
gantia: quin contra potius oratio civilis,
plena sit ingenuitatis, præ se ferat verita
tem, & simplicitatem, gratificandi, & per
suadendi modum metiatur honesto, idq;
grauibus aptisq;, & idoneis tum verbis,
tum sentētiis efficiat. Admittat historias,
fabulas, trāslationes, quibus maxime au/

De factis concionibus
ditores mouentur, modo id apte & mo-
deste efficiatur. Si talem vero Plutarchus
prophanam vult esse orationem, quid de
Christiana nobis concione dicendum? Ac
temperandus omnino in ea est sermo, ut
nihil minus, quàm arte constructus videatur.

De opere, seu instrumento huius artis.

INstrumentum artis concionandi (quod
alii opus artis appellant) est ipsa ora-
tio, seu sacra Concio, quod ita persuade-
ri solet: Quoniam omnis facultas instru-
mento utitur ad faciendum quod potest,
etiam oratoriæ facultatis aliquod erit in-
strumentum. Hoc autem est oratio, cuius
sex sunt partes, exordium, siue procemi-
um, narratio, partitio, siue diuisio, con-
firmatio, reprehensio, quæ & confu-
ratio dicitur, postremo peroratio.
De quibus omnibus se-
cundo Tractatu dicemus.
Et hæc de ipsa concio-
nandi arte dicta
sufficiant.

DE CONCIONATORE.

CONCIONATOR, est vir bonus, dicendi peritus, auctoritate superioris Ecclesiastico pulpito praefectus.

Tria utiq; hęc complectitur definitio, quę necessario tamen cuilibet Christiano Concionatori, inesse debent. Vir (inquit primo) bonus sit Concionator: quod quidem adeo receptum est, ut & prophano Oratori, ab omnibus, hoc ipsum tribuatur: ita, ut Menandri sit sententia, mores dicētis esse, qui persuadeant, non orationem. Sed reuera utrunq; (Plutarchus ait) est, quod rem efficit, hoc est, persuadet, mores nimirum & oratio, quod quidem & ita declarat. Nam sicut navis (inquit) dirigitur non a gubernatore dumtaxat, sed clauo quoq; & ut eques, qui in girum equum versat, id non facit absque freno: ita Ciuitas Oratoris quidem vita regitur, & moribus, sed nō sine oratione, nempe qua veluti aliquo clauo, & freno utatur, ut per quam vnā suadeat, affi-

De sacris concionibus

ciat, flectat, ducatq; multitudinem. Vnde
& merito ipsa instrumentum intelligat.
Si principes ergo artis rhetoricę omnes,
vtrunq; (morum, scilicet, bonitatem, &
dicendi peritiam) in suis requirunt Ora
toribus, quid nobis de Christiano nostro
Oratore sentiendum, dicendumq;?

Authoritate præterea superioris, Con
cionator, ecclesiastico pulpito debet esse
præfectus: quoniam, vt Paulus ait, Quo
modo prædicabunt, nisi mittantur?

Talem tamen superior, huic exercendo
officio, præponere debet, qui priores du
as cõditiones, habeat. Verum nescio qui
fiat, vt cum manuum opificium exercere
nulli liceat, nisi diu didicerit, ad concio
nandum admittunt omnes sine delectu.
At Paulus præcipit, vt sit Episcopus ad
docendum idoneus. Talis autem, is tan
tum erit, qui sententiam religionis recte
tenet, & in vita, doctore Spiritus sancto,
vim eius expertus est.

Cum igitur sit Cõcionator vir bonus,
dicendi peritus, iam vt fieri non potest,

vt

vt citra virtutem, & omnis honesti, iustiq; disciplinam, sit vir bonus: ita quoq; fieri nō potest, vt absq; multarum rerum cognitione, sit dicēdi peritus. Absolutam ergo quandam rerum cognitionem, vt arma ad manum habere, & disciplinarū ferme omnium scientia, succinctus esse, debet, accedente verborum, figurarumq; facili copia, & inuentionis ratione, & disponendi vsu, & memoriæ firmitate, & actionis gratia, atq; decore. Sed plurimū ex his valet animi præstantia, q̃ neq; metus frangat, nec acclamatio terreat, nec audientium autoritas vltra debitam reuerentiam tardet. Nam vt abominanda sunt contraria his vitia, confidentiæ, temeritatis, improbitatis, arrogantia: ita citra constantiam, fidutiam, fortitudinē, nihil ars, nihil studium, nihil profectus ipse profuerit, velut si des arma timidis, & imbellibus. Sunt & naturalia (quæ tamen cura iuuantur) instrumenta, vox, latius, decor, quæ quidem tantum valent, vt frequenter famam ingenii faciant.

De sacris concionibus

Quæcunq; igitur res inciderit, hominum salutem necessaria, quæ sit dictione explicanda, eam qui prudenter, & compositè, & ornatè, & memoriter dicet, cum quadam actionis etiam dignitate, is solummodo Concionatoris nomine dignus, censebitur. Et concionator utique re ipsa erit, si iis, & morum probitas, & superioris autoritas, accesserit.

De officio, fine, & opere Concionatoris.

OFFICIUM præterea Concionatoris est dicere appositè ad persuasionem: finis vero persuadere dictione.

Inter officium autem, & finem, hoc interesse, ait Cicero, quod in officio quid fieri: in fine, quid officio conveniat, consideratur: ut Medici (inquit) officium esse dicimus curare ad sanandum appositè: finem vero, curatione sanare. Ita cum Concionatoris quid officium, & quid finem esse dicimus, id quod facere debet, officium esse intelligimus: illud autem

cuius causa facere debet, finem appellamus.

Animaduertendum sane hic est, quod in definiendo tum officio, tum fine Concionatoris, alterum cum altero commiscetur, atque coniungitur, & recte quidem: Nam, ut officiū omne ad finem spectat, ita finis contra ad officium refertur. Ergo cum officium definit Cicero, quod est, apposite dicere, protinus subiungit, ad persuasionem: hoc est finem officio anectit. Rursus cum finem definit persuadere, itidem mox addit, dictione, officium, scilicet, cum fine cōmiscens. Nec id quidem abs re. Nam persuadetur multis rebus, ut retribus, pecunia, gratia, dignitate, & affectu etiam ipso, quo vel recordatio meritorum cuiusque, vel facies aliqua miserabilis, vel formæ pulchritudo sententiam dicit sine voce. Quod cum sit, non magis Oratoris est, quam alterius cuiuspiam. Solius autem Oratoris est, persuadere dictione. Sicuti Medici officiū est, sanare, non quomodolibet, puta aut incantatione, aut li-

De sacris concionibus
gaturis, sed curatione, hoc est, arte me/
dendi.

Cum suo igitur Concionator probe fun/
ctus officio fuerit, nempe ut apposite di/
xerit ad persuasionem: tria eius inde ope/
ra sequentur, docere, scilicet, delectare, &
mouere. De quibus Augustinus libro quar/
to de doctrina Christiana, elegantissime
in hunc modum dicit. Dixit quidam vir
eloquens, & verum dixit, ita dicere de/
bere eloquentem, ut doceat, ut delectet,
ut flectat. Quorum trium docere (inquit)
est necessitatis: delectare suauitatis: flectere
victoriae. Horum item illud, quod
primo loco positum est, in rebus ipsis con/
stitutum est. quas dicimus: reliqua duo
in modo docendi ea quae dicimus. Vnde
si quis etiam delectare vult eum cui di/
cit, aut flectere, non id quocumque modo
dixerit, faciet: sed interest quomodo di/
cat, ut faciat. Sicut est autem, ut teneatur
ad audiendum, delectandus auditor: ita
flectendus, ut moueatur ad agendum. Et
sicut delectatur, si suauiter loquaris: ita

flectitur, si amet, quod polliceris, timeat,
quod minaris, oderit quod arguis, quod
commendas, amplectatur: quod dolen-
dum exaggeras, doleat: cum quid letan-
dum prædicas, gaudeat: misereatur eo-
rum, quos miserandos ob oculos dicen-
do constituis: fugiat eos, quos cauendos
terrendo proponis: & quicquid aliud
grandi eloquētia fieri potest ad commo-
uendos animos auditorum, non quid
agendum sit, ut sciant: sed ut agant,
quod agendum esse iam sciunt. Docere
ergo (inquit) est necessitatis, delectare
suauitatis, flectere victorię. Ideo autem vi-
ctorię, quia fieri potest, ut doceat auditor,
& delectet, & tamē non assentiat. Opor-
tet igitur eloquētem non solum docere,
ut instruat: & delectare, ut teneat: verum
etiam flectere, hoc est mouere, ut vincat,
id est, psuadeat: Hęc ita ex Augustino ad
verbum, præter pauca admodū, quibus
nostrum primum terminamus tractatū,
ut ad secundū (ubi maior est difficultas)
perueniamus, transcamusq.

Finis Tractatus Primi.

De sacris concionibus
TRACTATVS SECVNDVS
de sacra Concione.

CV M priori iam tractatu, de Con-
cionandi arte, deque eius artifice
Concionatore, egerimus: vt de sa-
cra Concione hoc secūdo dicamus, pro-
missus ordo nos admonet. De qua illud
primo se offert dicendum quid sit.

Sacra Concio est, excogitata, & appo-
sita cum amplificatione, ad docendum,
& persuadendū de religione, dictio quæ-
dam, seu oratio.

Sacre Concionis partes sunt sex, exor-
dium, narratio, diuisio, siue partitio, con-
firmatio, confutatio, & peroratio, vt ex
quibus sacra ipsa Concio integratur, &
constituitur, de quibus omnibus per or-
dinem dicemus.

Prius tamē q̃ de iis singulis dicamus,
illud monendum, quod principium, seu
exordium conciliat auditores, conclusio
mouet, ceteræ partes docent, vniuersæ
delectant.

Illud deinde non prætereundum, sed prudenter considerandum, quod facturum Concionem, præmeditari debet coram quibus, quid, qualiter, qua audientium opinione, quo loco, quo tempore concionandum sit, ut secundum horum rationes, temperanda sit Concio. Si mores eorum coram quibus concionandum est cognoveris facile tibi sumere poteris principium seu exordium dicendi: si scias quid dicendum sit, iam ipsa tibi sacræ scripturæ lectio, hoc est, narratio nota erit: si qualiter, utique rectius diuides, & sic de cæteris cætera.

De exordio.

EXordium est principium Concionis, per quod animus auditoris constituitur, vel apparatus ad audiendum.

Illud etenim unde Concione incipimus, si aptum, & appositum sit principium, nobis statim animum auditoris idoneum reddit ad audiendum. Id sumitur, ut attentos, ut dociles, ut benevolos, & ut de

De sacris concionibus
uotos auditores habere possimus, quam
uis ad illud ipsum in tota etiam Concio
ne debeamus conari.

De partibus exordii.

EXordii, seu principii sacre Concionis,
tres sunt partes. Prima, quę summam
causę, seu totius Concionis complectit,
& Gręco nomine cōsueuit thesis, seu the
ma vocari, quod Latini positum, vel pro
positum nominant: Officium huius par
tis est, auditores facere dociles, quoniā
eos docet de qua re dicendum sit.

Secūda pars est, inuocatio Spiritus san
cti, seu supplicatio, qua diuinum implo
ramus auxilium, quę vulgari, & vsitato
nomine, consueuit appellari salutatio,
quoniam salutatione Angelica pręuia,
per Dei genitricis intercessionem, diuinū
impetramus fauorem. Officiū huius par
tis est, auditores facere deuotos, & diui
norum munerum capaces.

Tertia pars est, quę Procemion Graeco

ce appellatur, id est, præludium, a Musi-
corum consuetudine tractum, qui ante
cantilenam inchoandam, solent artificio-
sum apparatus ostendere. Nam pro, idè est,
quod præ, & æme, cantilena, id, quod
nos præfationem dicere possumus. Offi-
cium huius partis est, attentione, & bene-
uolentia nobis animos auditorum con-
ciliare.

Attentos habebimus, si pollicebimur
nos de rebus magnis, nouis, inusitatis,
verba facturos, aut de iis rebus, quæ ad
res christianas, ad salutem animæ, ad auer-
sionem diuinæ iræ, ac Dei omnipotentis
placationem, & votorum nostrorum ex-
pletionem pertineat, & si verbis excitanti-
bus horrabimur, ut attente audiant.

Beneuolentia captatur a nostra, ab au-
ditorum, ab aduersariorum persona, &
re ipsa, cum nostra sine arrogantia, cæte-
ra vero citra adulationem sapienter lau-
damus: cum inimicorum odium, inuidi-
am, contentionem mouebimus (inimici
sunt, propria caro, mundus, dæmon, &

De sacris concionibus

masi homines) Et cum rem ita proponi
mus, ut ab eo quod odit, ad id quod di-
ligit, auditoris animus traducatur. Hæc
omnia insinuatio per dissimulationē oc-
culte agit, interiectione verborum ad mo-
uendam benevolentiam aptorum.

Proœmium, seu præfatio, id est, exor-
dii vltima pars, ex corde materiæ sumen-
da est, ut proprie co hæreat cum lectione
euangelica, & ex ipsa causa natum videat-
ur, non vulgare, non commune, non ni-
mium apparatis verbis compositum, nō
nimis longum. Ut autem hæc omnia pos-
sint ad vnguem caueri, tutius erit compo-
sitionem proœmii (id est huius vltimæ
exordii partis) vsq; ad vltimū reservari.

Pro formatione tamē huiusmodi pro-
œmii, nulla certa lex, seu regula dari po-
test. Et ideo committo cuiusq; industriæ
proœmia, maxime omnium petenda ab
obseruatis circumstantiis, a temporis, a lo-
ci oportunitate, a moribus auditorum,
ab affectu incidentium causarum. Quisq;
hic intēdat proprias ingenii vires. Proœ

mia namq; certis regulis præscribi nequeunt. Prima in procemiis esse debet cura Concionatori, vt doctrinæ suæ fidem faciat. Id commodè fiet, si pie, si pro gloria Dei, & omnium salute, nullo carnali affectu, vel quorundam odii, vel amoris, se loqui testetur in conspectu Dei.

Procemio adnectet insinuationē, quæ, si quid acerbius, aut lenius dicendum foret, excuset. Et hoc miris modis cōfert ad faciendam doctrinæ fidem.

Insinuatio vero est oratio, quæ per dissimulationem, & veluti per circuitionē, hoc est, per ambages quasdam auditoris animum subiens, ipsum ad audiendum parat.

Iam ad primam exordii partem (quæ thema appellauimus) redeūdo, animaduertendum, partem illam thema scilicet, idem esse; quod Oratores propositionē appellare consueuerunt. Propositionem autem Oratores dixerunt, eam sententiam, quæ potissimum tractatur, & ad quā confirmandam adhibentur rationes.

De sacris concionibus

Et ita Concionatores, qui ante hoc tempus docuerunt, hac fere sunt vsi ratione: priusq̃ Euāgelium recitarent, generalem aliquam sententiam proposuerūt, quam bono nomine thema appellabant. Eam sententiam deinde per totum sermonem tractabant, quę proprie propositio est. Et vix commodius veritas Græcum nomen thema, quam propositionem.

Illud igitur idem quod Concionatores hactenus, in electione thematis, seu propositionis, obseruare consueuerūt, & post hac seruandum omnino censeo, vt scilicet ex Euāgelio, aut Epistola, aut prophetia, quam postea recitare, & narrare Concinator debet, vel aliunde (dummodo ex sacris literis) assummat, & deligat sibi propositionem aliquā, quę summam causę, seu materię totius Concionis, complectatur. Et talem in principio Concionis cum a legatione proponat, & lingua vulgari, seu materna, quam simplicissime exponat: ad quam tractandā, ilico Spiritus sancti inuocationem faciat,

(quæ secunda pars exordii est, ut diximus) quam mox proœmium (de quo satis iam) sequatur, quod narrationi (si sit) & toti Concioni principium dabit.

Propositio vero illa, seu thema omne, diuiditur, in simplex & compositum: ita ut omnes Conciones distinguere libeat, quod aut simplex nomen aliquod explicent, ut si de iustitia, de religione, de fide, de operibus charitatis, doceas: aut integram aliquam orationem, quam Dialectici compositam questionem appellant. Ut si doceas, fornicatores regnum Dei non possidebunt, Religio est donum Dei summum, non paratur nostris viribus. Opera charitatis sunt meritoria vite æternæ, & similia.

Sunt autem composita themata duplicia, quædam enim simpliciter docent, qualia illa sunt, quæ supra posui. Quædam vel adhortantur, vel dehortantur, ut si dicas literas esse discendas, esse amplectendum cælibatum, non esse contemnendum matrimonium, Charitatis opera non es-

De sacris concionibus

se intermittere, &c. Tractantur autem huiusmodi Conciones longe alia ratione, quam illae quae docent tantum, sicut inferius patebit, cum de usu partium sacrae Concionis, docebimus.

Concionatorum tamen unusquisque principio diligenter aduertat, & intelligat, (ut supra de inuentione monuimus) ad quod genus causae, assumptum ab se thema, expectet: quoniam ex hac cognitione tota thematis tractatio pender, ut de usu Concionis partium ostendemus. Verum in praesentia illud hic dicendum, & monendum occurrit, generis Didactici, & demonstratiui, duplicia esse thema, simplicia, scilicet, & composita: generis vero deliberatiui, vnicum tantum, videlicet, compositum. Quo autem pacto cognosci possit, ad quod causae genus, propositum thema (seu simplex, seu compositum) expectet, non est difficile, ex his quae supra de generibus causarum diximus, iudicare.

Si enim docendum, ad genus Didacti-

cum, si laudandum, aut vituperandum, ad genus demonstratiuum, si vero suadendum, vel dissuadendum sit thema, ad genus deliberatiuum, expectabit.

De narratione.

Narratio est rerum gestarum, aut perinde, ac gestarum, expositio. Vt si nares Euangelium simpliciter, sicut ab Euangelista descriptum est.

Id enim quod in sacra Concione narrandum venit, est lectio scripturæ canonice, quæ populo recitari debet, quæ non aliunde, quàm de veteri, aut nouo testamento promenda est, iuxta præceptum Christi, qui tãquam bonus paterfamilias, de thesauro suo protulit noua, & vetera. Quod dico (inquit) vobis in tenebris, dicite in lumine: & quod in aure auditis, prædicare super tecta. Quid autem hoc sit, exponit, cum dicit: Ite prædicare Euangelium omni creaturæ. Prophana enim, vt Paulus ait, & vana eloquia, & stultæ sine

De sacris concionibus

disciplina quaestiones, & genealogia, & contentiones, & pugnae legis, & iudaicae fabulae, & mandata hominum auersantur, um a veritate, deuitanda sunt, ne secundum Hieronymum Sacerdotes Dei, omissis Euangelis, & Prophetis, videantur Comedias legere, amatoria bucolicorum versusum verba cantare, tenere Virgilium, & eius generis caetera: qualia ego in Concionibus vidi, ut pro Christi Euangelio, astiludium, & torneamenta, & id genus alia, representarentur.

Lectio Euangelii aut epistolae canonicae, siue alia quolibet in ecclesia, & breuiter & clare & verisimiliter recitanda & exponenda est.

Breuis erit, si ex nullo cursu, nullis ambagibus, sed verbis ad rem ipsam tantum necessariis videntes, ita euangelium epistolam, vel prophetiam enarrabimus ut eius facile meminerit auditor. In quo cauendum est, ne bis idem, aut id quod supra diximus, iterum dicamus.

Clara erit, si rei qualitates, verbis illas

las proprie explicantibus significantur,
debita pronūciatione ad hoc accommo-
data, vt auditor facillime accipiat,
atq; intelligat.

Verisimilis & credibilis erit, si eius
circumstantiæ, sicut negocii natura, & au-
dientium conditio postulat, obseruetur,
quantumuis de necessitate salutis sit sa-
cræ scripturæ credendum.

De diuisione.

Diuisio est, rerum de quibus dicturi
sumus, breuis enumeratio, vt cer-
tas res animo teneat auditor, quibus dic-
tis, intelligat concionem esse perfectam
& finitam.

Diuisio debet esse absoluta, pauca, sub
distribuenda, ordinata.

Absoluta, vt nihil in ea desit, aut su-
perfit, nullum nisi necessarium assumen-
do verbum.

Pauca, vt sola sine speciebus genera
ita proponat, vt nec species tanquam
dissimiles generi permisceat, nec super-

De sacris Concionibus
uacua assumens, aut in minutissima diui-
dens, plura quam satis est membra faci-
ens, in eandem incidat obscuritatem, cō-
tra quam diuísio inuenta est.

Subdistribuenda est a generibus sim-
pliciter expositis ad species, cum id cau-
sa postulat, singulariter & cōmodissime
exequendas.

Ordinata sit, vt ita quæq; res dicendo
transigatur, vti per diuisionem fuerit ex-
posita, vel vltimo distribuatur, quæ au-
ditor maxime optare videtur.

Diuisio quamuis numero velut lége
non sit alliganda, tamen decet eam plus
q̃ trium partium numero contineri non
oportere. Nam & periculosum est, inquit
Cicero, nequando plus, minusue dica-
mus. Et suspitionē affert auditoribus me-
ditationis, & artificii, quæ res fidem abro-
gat Concionatori.

De confirmatione.

COnfirmatio est, per quam argumen-
tando nostræ causæ fidem, autorita-

tem, & firmamentum adiungit oratio.

In hoc quod, argumentando, dicit, separat cōfirmationem a narratione. Nam & ipsa narratio facit fidem, sed non argumentando. Itaq; proprium confirmationis est, argumentando facere fidem.

Aduertendum tamen, q̄ eadem sunt, quibus causam nostram confirmamus, & confutamus: quia contrariorū est eadem disciplina. Nam in confirmando, nostra probare volumus, in confutādo, redarguere contraria.

Si nostra probari, q̄ quæ sunt aduersariorum redargui, facilius possunt, a confirmatione incipiamus. Sin aliena melius, faciliusq; refelli, a refutatione, omnia illi conferentes initium faciamus.

Aduersarii sunt, dæmones, vitia, homines peruersi, & quicquid non est amicum Deo, testante Christo, qui ait. Qui non est mecum contra me est.

Cæterum cū confirmatio, sicut & confutatio non peragatur, nisi argumentatione, & in his duabus, confirmatione (in

De sacris Conciónibus
quam) & confutatione, Cicero ad Heré-
nium dicat, totam spem vincendi, & ra-
tionem persuadendi positam esse, vt de
argumentatione simul, & argumētis hic
dicamus oportet. Et primo de argumen-
tis tractandum, quoniam nisi argumen-
ta prius inueniantur, argumētatio forma-
ri non potest.

Argumentum vero est ratio, rei dubie
faciens fidem. Hanc tamen fidem argu-
mentum facere non potest, nisi ipsum in
argumentatione sumptum fuerit: quippe
quæ sit argumenti per orationem expli-
catio.

Ostendamus igitur oportet, quo pa-
cto ipsa argumenta a concionatore inue-
niantur, vt quibus ipse cōmode oppor-
tuneq; vtatur in vnoquoq; genere causæ,
præsertim quoties quod ad dicendum
propositum fuerit, probatione aliqua in-
digere videbitur.

Inueniuntur autem haud difficile ar-
gumenta, si quibus ex locis (vt in qui-
bus veluti latent) ducantur eruanturq;

compertum fuerit, locus enim sedes est argumenti.

Ceterum loci huiusmodi duplices sunt. Quidam enim ex his dialectici appellantur, ut qui a dialecticis cum primum traduntur: quidam vero rhetorici, ut quorum usus etiam num frequentior sit apud Oratores. Contra tamen Christiano accidit Concionatori, quoniam dialecticis locis omnibus utitur quam frequentissime, rhetoricis vero, perquam paucis, & si illis tamen frequenter. Dialecticos ergo omnes, & rhetoricos eos quorum in concionibus est usus, per ordinem tractabimus explicabimusque.

Locorum igitur dialecticorum, quidam ducunt ex his quæ inhærent in ipsa re de qua agitur: alii extrinsecus assumuntur, ab iis quæ remota vocant: alii vero medii sunt.

Locorum qui ducuntur ex his quæ inhærent in ipsa re, alii a substantia, alii consequentes substantiam, dicuntur.

A substantia sunt octo, scilicet, a desin-

De sacris Concionibus

nitio, a definito, a descriptione, a descripto, a nominis interpretatione, ab interpretato, a proprio, & ab eo cuius est proprium.

Loci qui consequuntur substantiam, iidem, sunt octo, videlicet, a toto, a partibus, a causis, ab effectibus siue ab effectis, a generatione, a corruptione, ab vñibus, a communiter accidentibus.

Loci qui extrinsecus siue a remotis assumuntur, sunt decem, hoc est, ab autoritate, a similibus, a paribus, a proportionem, a maiore, a minore, ab oppositis, a repugnantibus, a transumptione, & a transmutata proportionem.

Loci tandem medii sunt duo, a coniugatis, & a diuisione. Sed ex his omnibus primus exponendus venit, qui a definitione dictus est.

De locis qui a substantia dicuntur.

A Definitione ducitur argumentum, ut si quaeratur an qui vñitur rebus

ecclesiæ vel monasterii sine consensu prælati, faciat furtum: Fiatq; huiusmodi argumentatio, Furtum est contrectatio rei alienæ inuito domino, sed qui vtitur rebus ecclesiæ sine consensu prælati, contrectat rem alienam inuito domino, quisquis ergo vtitur, rebus ecclesiæ vel monasterii sine consensu prælati, facit furtum.

Item si quærat, an arbor sit animal: Et in hunc modum argumentationem formes, animal est substantia animata sensibilis, arbor autem substantia animata sensibilis non est, non est igitur arbor animal. Locus utrobique est, a definitione. Maxima, prioris affirmatiue argumentationis est, Cui cōuenit definitio, ei & definitum. Secundæ vero negatiue argumentationis. Maxima est, Cuicunq; definitio non conuenit, nec definitum.

A descriptione, argumentum ducitur, ut si dubium sit, an albedo sit substantiæ itaq; argumentatio formetur. Substantia est, quæ omnibus subiaceret accidentibus, albedo nullis subiaceret accidentibus, ergo

De sacris Concionibus

albedo substantia non est. Locus, a descriptione. Maxima, cuicunque non conuenit descriptio, nec descriptum.

A nominis interpretatione, ducitur argumentum, ut si vertatur in dubium, utrum philosophię sit studendum? Ad quod probandum talis instruitur argumentatio, Philosophia amor sapientiæ est, atqui sapientiæ esse studendum nemo dubitat, Philosophiæ igitur studendum est. Locus, ab interpretatione nominis. Maxima, Cui nominis interpretatio cōuenit, & ipsum nomen cuius interpretatio facta est.

A proprio deinde ducitur argumentum, ut si queratur an equus possit mansue fieri? Et sic fiat argumentatio, Omne animal disciplinę capax, mansue fieri potest, equus autem est animal disciplinę capax, ergo equus mansue fieri potest. Locus, a proprio. Maxima, Si cui propriū alicuius rei conuenit, & id cuius est proprium.

At nunc illud scire debemus, quod
per

per dictos locos varie argumentari possumus, nunc subiiciendo, nunc prædicando eundem terminum; atq; ipsum etiam, de aliquo nunc construendo, nunc destruendo. Tum & conuerso ordine, totidem modis, verbi gratia, a definito, a descripto, ab interpretato nomine, & ab eo cuius est propriū, simul & maximas ipsas tories variare: id quod studiosus huius artis facile ex seipso intelliget, alioqui inutilis prorsus, qui huic studio addicatur.

De locis qui substantiam consequuntur.

EX locis qui substantiam consequuntur primus a toto dictus est. Totum vero multis dicitur modis, namq; & totum dicitur vniuersale, quod & genus est, & totum quod ex partibus integratur, quod & integrale dicitur, & totum in quantitate, & totum in modo, & totum in tempore, & totum in loco: atq; ab omnibus his argumenta ducuntur. Omnes tamen illos modi totius, Concionatori noti esse ex

De sacris concionibus

Dialectica debent, & ideo in horum interpretatione, hic nequaquam morandum.

A toto igitur vniuersale, quod & genus est, argumentum ducitur, ut si quaeratur, an iustitia sit bona? fiatque argumentatio hoc modo, Omnis virtus est bona, iustitia autem virtus est, iustitia igitur bona est. Locus, a toto, hoc est, a genere. Maxima, Quae generi ad sunt, & speciei.

A toto integrali, ducitur argumentum, ut si quaestio sit, An humanae res providentia regantur? Et talis formetur argumentatio, Mundus providentia regitur, humanae autem res mundi partes sunt, humanae igitur res providentia reguntur. Locus, a toto, id est, ab integro, quod partibus constat. Maxima, Quod toti conuenit, & partibus.

A toto in quantitate, ducitur argumentum, ut si ita formetur argumentatio, Si in omnibus est verus vates Apollo, & in hoc verus esse perhibetur, quod dixit Aio te Aeacida Romanos vincere posse. Locus, a toto in quantitate. Maxima, cuius

cunq; totum in quantitate conuenit, & pars.

A toto in tempore, ducitur argumentum, vt si dicamus, Si Deus semper est, & nūc est. Locus a toto in tempore. Maxima, Cui cunq; conuenit totum in tempore, & pars.

A toto secundum locum, sic argumentum ducitur, Si vbiq; Deus est, & hic est. Locus, a toto secundū locum. Maxima, Cui conuenit totum secundum locum, & pars.

A toto in modo, ad suam partē vtriq; argumentatio non recte procedit, licet contra sic, a parte, scilicet, ad totum, vt, Si quoquo modo mouetur Deus, & simpliciter mouetur: irascitur autem Deus, ergo mouetur: Et si quis pedetentim ambulat, & simpliciter ambulat. In totis vero in quantitate, in tempore, & secundum locum, contra accidit, Nam in nullo illorum, a partibus ad totum, argumentatio valet. Secus est in duobus prioribus modis totius, nam in illis a partibus ad totum

De sacris concionibus
tum recta est argumentatio.

A toto argumentat Paulus. I. Corin.
6. sic, An nescitis, quia iniqui regnū Dei
non possidebunt? Nolite errare: neq; for
nicarii, neq; idolis seruientes, neq; adulte
ri, neq; molles, neq; masculorum concu
bitores, neq; fures, neq; auari, neq; ebrio
si, neq; maledici, neque rapaces, regnum
Dei possidebunt.

A partibus quidē totius, quod genus
est, argumentum ducitur, vt si quærat,ur,
An virtus sit mentis bene composite ha
bitus? Et fiat argumentatio hoc pacto, iu
sticia, fortitudo, temperantia, atq; pruden
tia, habitus sunt mentis bene composite,
& hæc quatuor vni virtuti veluti generi
subiiciuntur, Virtus igitur mentis bene
composite habitus est. Locus, a partibus
totius siue generis. Maxima, Quod singu
lis inest partibus, id toti inesse necesse est.

A partibus autem, quæ integri partes
esse dicuntur, argumentum ducitur, vt si
sit hæc quæstio, est ne Rhetorica utilis?
Et formetur argumentatio hæc, Inuentio

vtilis est, & dispositio, & elocutio, & memoria, item & pronunciatio, & hæc quinque Rhetoricæ partes sunt, vt ex quibus integratur, Rhetorica igitur utilis est.

Tum veto & per destructionem argumentatio procedit, vt si querat quisquam, num hic, quem seruum esse conlitterit, liber sit? Hunc si quis non esse liberum monstrare velit, hic dicet, Si neq; censu, neq; vindicta, neq; testamento, liber factus est, liber non est. At nulla earum parte liber factus est, non est igitur liber. Locus, a partibus, siue a partium enumeratione. Maxima, Si omnes partes a re qualibet abiunctæ fuerint, & totum necessario abiungetur.

A parte ad totum argumentatur Paulus ad Galatas. 5. hoc modo, Testificor autem rursus, omni homini circumcidenti se, quoniam debitor est vniuersæ legis.

A causis præterea argumenta ducunt, vel ab efficiente, vel a materiali, vel a formali, vel finali.

Ab efficiente igitur causa argumentum

De sacris concionibus

ducitur, vt si quis iusticiam naturalem esse ostendere voluerit, & dicat hoc modo, Congregatio hominum naturalis est: homo quippe naturaliter ciuile animal est. Iusticiam vero hominum fecit congregatio: Iusticia igitur naturalis est. Locus, a causa efficiente. Maxima, Quorum efficiens causa naturalis est, ipsa quoque naturalia sunt.

A materiali causa ducitur argumentū, vt si quis Mauros non habere arma contendat, idcirco, quod ferrum eis desit. Vel hoc modo, Ferrum non est, igitur gladius non est. Locus, a causa materiali. Maxima, Si non est causa materialis, neque ipsa quæ ex ea conficiuntur, esse possunt.

A formali causa ducitur argumentum, vt si quis probet Dædalum non potuisse volare, quoniam nullas naturali forma pennas habuisset. Locus, a causa formali. Maxima, Tantum vnumquodque potest, quantum forma eius naturalis permittit.

A fine, siue a causa finali, argumentum ducitur, vt si sit propositū, An iusticia boni

na sit, fiatq; hoc modo argumentatio, Si
beatum esse bonū est, & iustitia bona est.
Hic est enim iustitię finis, vt si quis secun-
dum iustitiam viuat, ad beatitudinē per-
ducatur. Locus, a fine, siue a causa finali.
Maxima, Cuius finis bonus est, ipsum
quoq; bonum est.

Scire p̄terea debemus, quod ex ipsis
causis latior patet argumētandi cāpus.

Ab efficiente quidem causa arguere
possumus statuam cōmendabilem esse,
quia Praxiteles eam fecerit, aut Phidias,
aut Polycletus. Sic cōmendabiles sunt
leges, naturalis, scripta, & euangelica,
quod Deus eas fecerit, ciuiles seu politi-
cæ, quod homines sapientissimi & pru-
dentissimi, & a Deo illuminati & adiuti,
eas sanciuerunt & ordinauerunt: Cano-
nicæ, quoniam sanctissimi patres, & ma-
gno cum consilio, simul & spiritus sancto
illustrati, eas condiderunt.

A materia vero res preciosas aut vti-
les esse, quippe quod tela serica preciosa
or sit lanca, & lanca item lineā. Hinc sci

De sacris concionibus

entia de anima honorabilior ab Aristote
le dicta est cetera quauis de natura parte.

A forma autem res item, & dignas &
minus dignas esse, vt hominem, quod
rationale animal sit, digniorem quolibet
animali.

A fine, res bonas siue vtilis esse, vt
exempli causa, liberales artes, quod bonos
& vtilis habeant fines.

Ab effectibus quoque argumeta ducuntur.
Verum ad hoc ipsum scire oportet,
duplicem esse cuiuslibet effectus causam:
necessariam: vt sine qua effectus esse non
potest: & sufficientem, quæ certe huius
modi est, vt si adsit, impossibile sit effectum
non esse.

Ab effectu itaque, ad causam necessariam
ita argumetari possumus per constructionem,
Gladius est, ergo ferrum est: & domus
est, ergo intritum est, & lapides & ligna.
Locus, ab effectu ad causam necessariam.
Maxima, Posito effectu, ponitur &
eius necessaria causa.

Ab effectu vero ad causam sufficientem
per

per destructionem potius, q̄ per constructionem formanda argumentatio, quando construendo argumentationem, non semper euenit, quod inferre volumus. Vnde nō recte sequitur, Hic interiit, ergo iugulatus est. Siquidem id euenire posset alio quouis casu, aut letali morbo correpto alicui. Destruendo tamen ratum est, quod inferitur, vt non interiit, ergo iugulatus non est. Item, Lumen Solis non est, ergo eius lux non est. Locus, ab effectu ad causam sufficientem. Maxima, Remoto effectu causæ sufficientis, remouetur & ipsa causa.

Ab effectibus argumentatur Christus Matthæi. 7. cum ait. A fructibus eorum cognoscetis eos. Nunquid colligunt de spinis vuas, aut de tribulis ficus? Item, Nō potest arbor mala bonos fructus facere, neq; arbor bona malos fructus facere. A generatione, argumentum ducitur hoc modo, Assuefatio ad virtutem bona est, igitur virtus bona est. Locus, a generatione. Maxima, Cuius generatio bona

74 De sacris Concionibus

est, ipsum quoque bonum est.

A corruptione vero ducitur argumentum, ut de suestario a vitio bona est, igitur vitium malum est. Locus, a corruptione. Maxima, Cuius corruptio bona est, ipsum quod corrumpitur, siue quod corruptum est, malum est.

Sane sciendum, quod quoties a corruptione argumentamur, predicatum consequentis contrarium, seu oppositum esse debet predicato antecedentis. Quod tamen non ita euenit in loco a generatione.

Ab vsibus, siue ab usu, argumentum ducitur, si ita argumentatur quispiam, Equitare bonum est, igitur equus bonus est. Locus, ab vsibus, siue ab usu. Maxima, Cuius vsus bonus est, ipsum quoque bonum est.

Ab vsibus argumentatur Paulus ad Roma. I. cum ait, Immutauerunt naturalem usum in eum usum, qui est contra naturam.

A communiter accidentibus argumenta ducuntur, quoties ea sumuntur acci-

dentia, quæ relinquere subiectū, vel non possunt, vel non solent: Vt si quis hoc modo dicat, Sapiētem non poenitet, poenitentia enim malum factum sequitur. Quod quia in sapientem non cadit, ne poenitentia quidem. Locus, a communiter accidentibus. Maxima, Cui non inest aliquid, ei nec illud, quod illius est consequens, inesse potest. Rursus construendo, vt, Pluit, ergo vapores in sublime leuati sunt. Locus, a communiter accidentibus. Maxima, Cui inest aliquid, ei & illud, quod illius est consequens, inesse deber.

A communiter accidentibus arguitur Christus Math. 16. hoc pacto, Facto vespere, dicitis serenum erit, rubicundum est enim cœlum: & mane, Hodie tempestas, rutilat enim triste cœlum.

De locis qui extrinsecus sumuntur.

EXpositis locis intrinsecis, restant de
hinc exponendi, qui licet extrinsecus

De sacris Concionibus

sumpti, argumenta tamen suppeditanti
quorum primus est a rei iudicio, siue ab
authoritate.

A rei iudicio, siue ab authoritate, argu
mentum ducitur; vt si dicamus, Præter
firmamentum esse planetarum orbes se
ptem: quoniam id ita Astrologi doctissi
mi, & in Astrologia sapientes, penitusq;
eruditi iudicant. Vel si dicamus, per in
ternam animi concupiscentiam vxoris
alienæ, adulterii peccatum committi:
quoniam Christus hoc ipsum dicit. Lo
cus, ab authoritate, siue a rei iudicio. Ma
xima, Quod omnibus, vel pluribus, vel
sapientibus hominibus videtur, ei con
tradicare non oportet.

Sane hic locus etsi per alias quoque
complures disciplinas vsum suum præ
stat, in Theologia tamen is præcipue spe
ctatur, observaturq;. Et ideo nullus tam
vsui debet esse Concionatori locus, nec
frequentior, q̃ hic. Ab isto enim solo fir
missima, & fidelissima, hoc est, quæ nega
ri non possunt, (in Concionibus) ducun

tur argumenta.

Ab autoritate argumentatur Paulus ad Titum. I. in hunc modum, Dixit quidam ex illis proprius ipsorum propheta: Cretenses semper mendaces, male bestiae, ventres pigri. Testimonium hoc verum est. Quam ob causam increpa illos duriter, ut sani sint in fide &c.

A similibus deinde, siue a simili argumentum ducitur, ut si dubites. An homini proprium sit bipedem esse, & talis argumentatio formetur, Similiter inest equo quadrupedem esse, ut homini bipedem, at non est equo quadrupedem esse proprium, igitur nec homini esse bipedem. Locus, a similibus, Maxima, De similibus idem est iudicium. Sane hoc loco usus est diuus Paulus, cum in hunc argumentatur modum, Si Christus mortuus resurrexit, & nos mortui resurgemus. Unde errare conuincuntur, qui hunc locum vno pede claudicare dicunt, quod (ut aiunt) fallat plerumque adducta similitudo. Verum id quoties accidit, non iam

74 De sacris Concionibus

similitudine, sed potius a dissimilitudine erroris sui causam habet. Quapropter Quintilianus huic precipue loco iudicium adhibendum monet, Solent enim (inquit) nos fallere plerumque similitudinum species, ideoque adhibendum est his iudicium.

A similibus argumentatur Iacobus epistola sua canonica cap: 5. hoc pacto, Ecce agricola expectat preciosum fructum terræ, patienter ferens donec accipiat temporaneum, & serotinum: patientes igitur estote & vos, & confirmate corda vestra, quoniam aduentus domini appropinquabit.

A paribus argumentum fit, si ita proponatur, Si cui in animo est Demosthenem laudare, cur & non Tullium laudabit, cum alter alteri par sit: Nempe quantus in eadem persuadendi arte vnus, tantus & alter. Locus, a paribus. Maxima, Parium idem est iudicium.

A paribus argumentatur Paulus. I. Corinth. 9. cum ait, Nunquid non habe

mus potestatem, mulierem sororem circūducendi; sicut & ceteri apostoli & fratres domini, & Cephas? Aut ego solus & Barnabas, non habemus potestatem hoc operandi?

A proportionē argumentum ducitur, ut si queratur, An sorte eligendi sint in ciuitatibus magistratus? dicimus, minime, quia nec regendis nauibus sorte præficitur gubernator. Locus, a proportionē. Maxima, Quod in vnaquaq; re euenit, id in eius proportionali euenire probabile est.

A maiore argumentum ducitur, si ita dicas: Non potest Rex arcē, aut urbem expugnare, ergo nec miles. Item, si non licuit Herodi habere uxorem viri alieni, igitur neq; fratris. Locus, a maiore. Maxima, Si id quod magis videtur inesse, non inest, nec id quod minus videbitur inesse, inerit.

A maiore argumentatur Christus Ioan. 15. quando inquit, Non est seruus maior domino suo: si me persecuti sunt, &

De sacris Conciónibus

Vos persequentur : si sermonem meū seruauerunt, & vestrum seruabunt. Item Ioan. 13. Si ergo ego laui pedes vestros, dominus & magister : & vos debetis alter alterius lauare pedes.

A minore vero conuerso modo argumentum ducitur, vt, Si quilibet vel gregarius miles potest expugnare, aut arcē, aut urbem, & Imperator. Item, si Scipioni priuato licuit Caium Gracchum, mediocriter Reipublicæ statum labefactantem, interficere, quanto magis Consulibus licuit persequi, ac demum vltimo afficere supplicio Catilinam, terras cedere, atq; incendio vastantem! Item, Si feræ diligunt partus suos, quamam in liberos nostros vti diligentia debemus? Locus, a minore. Maxima, Si id quod minus videtur inesse, inest, & id quod magis videbitur inesse, inerit.

A minore argumētatur Paulus ad Hebræos. 9. cum ait, Si enim sanguis hircorum, & taurorum, & cinis vitulae aspersus, inquinatos sanctificat ad emundationem

nem carnis, quanto magis sanguis Christi, qui per Spiritum sanctum semetipsum obtulit immaculatum Deo, emundauit conscientiam nostram ab operibus mortuis ad seruendum Deo viuenti?

Hos locos a maiore, scilicet, & minore, Cicero, & Quintilianus vocant a comparatione maiorum, & minorum.

A comparatione quidem maiorum: vt, Si quis sacrilegium, aut peculatum committit, & furtum committet.

A comparatione vero minorum, vt, qui facile, ac palam mentitur, idem & perierabit.

A transumptione ducitur argumentum, vt si dicamus, Dialectica utilis est ad omnem methodum, igitur ad omnem scientiam utilis est. Locus, a nominis transumptione. Maxima, Quicquid alicui conuenit sub nomine metaphoricis sumpto, eidem conueniet & sub nomine proprio sumpto.

Sane hoc loco Philosophi non modo vtuntur interdum, ceterique scriptores, sed

De sacris concionibus

& sacrae literae eo plenae sunt, ac scatent propemodum: ut, si Leo rugiens fugiendus est, & diabolus fugiendus est. Item, si Christus Leo est, & Rex est. &c.

Ab oppositis vero toties argumenta ducuntur, quoties inter se aliqua opponi dicuntur. Opponuntur autem modis quatuor. Aut enim contrariae, ut, album, nigrum: aut priuatiuae, ut, iustum, iniustum: aut relatiuae, ut, dominus, seruus: aut contradictoriae, ut videre, non videre.

A contrariis igitur argumentum ducitur hoc modo, Si bona est sanitas, aegritudo mala est. Vel si est aliquod animal sanum, idem aegrum non est.

A priuatiuis ducitur argumentum, ut, Si iniustitia fugienda est, sequenda est iustitia. Vel si quid videns est, idem profecto non est coecum.

A relatiuis autem ducitur argumentum, ut, Quisquis pater est, filium habeat necesse est. Vel si quis pater est alicuius, eius filius non est.

A contradictoriis ducitur argumen-

Recte formandis.

50

tum, vt, Si quis est videns, idem iam non est non videns. Locus, ab oppositis. Maxima, In contrariis, priuatiuis, relatiuis, & contradictoriis, opposita sibi conuenire non possunt. In relatiuis insuper, alterum, sine altero esse non potest.

Ab oppositis argumētatur Paulus ad Galatas. 5. vbi ait, Spiritu ambulate, & desideria carnis non pficietis. Caro enim concupiscit aduersus spiritum, Spiritus autem aduersus carnem: hæc enim sibi inuicem aduersantur, vt non quæcunq; vultis, illa faciatis. Manifesta sunt autem opera carnis: quæ sunt, fornicatio, immunditia, impudicitia. &c. Fructus autem spiritus est, charitas, gaudium, pax, patientia. &c.

A repugnantibus, siue a disparatis, argumentum ducitur, vt si ita dicamus, Homo est, igitur lapis non est. Locus, a repugnantibus, siue a disparatis. Maxima, Quæ sibi repugnant, hæc neutiquā conuenire possunt.

A repugnantibus argumentatur Chris

De sacris concionibus
Ius Ioan. 15. cum ait, Iam non dicam
vos seruos, quia seruus nescit quid faciat
dominus eius. Vos autem dixi amicos,
quia omnia quęcūq; audiui a patre meo
nota feci vobis.

A transmutata proportione ducitur ar
gumentum, vt si ita dicamus, Sicut octo
ad quatuor, ita sex ad tria: quippe quod
vtrōq; dupla sit proportio: Ergo sicut
octo ad sex, ita quatuor ad tria: quę nu
merorum ad seinuicem habitudo, pro
portionem vtrōq; constituit sesquiter
tiam. Octo enim sex superat binario, quę
tertia pars est senarii. Itidem & quatuor
tria, vnitatem, quę & ipsa pars est tertia ad
tria siue ad ternarium. Hinc & transmu
tata proportio dicitur, quod ab vna in
aliam quasi transitus fiat. Locus, a trans
muta proportione. Maxima, Si vt pri
mum ad secundum, tertium se habeat
ad quartum: & vt primum ad tertium,
secundum se habet ad quartum.

De locis mediis.

Recte formandis. 51

Medii loci dici videntur, quoniam
in his argumenta neq; extrinsecus
omnino, neq; ab his quæ inhærent in ip
sa re de qua agitur, petuntur. Hi autem
sunt duo (vt superius diximus) videli
cet a coniugatis & a diuisione.

A coniugatis ducitur argumentū hoc
pacto, iustitia bona est, ergo qui iustus ē,
bonus est. Item, prudēter agit, ergo pru
dens est. Locus, a coniugatis. Maxima,
Si vnum coniugatorum cuipiam conue
nit, & reliquum.

A coniugatis argumentatur Salomon
Sapiētię. 6. vbi ait, Potētes potenter tor
menta patientur. Et Christus Matth. 21.
cum inquit, Malos male perdet.

A diuisione ducuntur argumenta, tum
per negationem, tum per partitionem.

A diuisione per negationem argumen
tum ducitur, vt si quærat, An vlla ori
go temporis fuerit? Et argumentatio for
metur hoc modo, Tēpus aut originem
habet, aut non habet, Sed quia mundus
æternus est (id disciplinæ gratia conce

De sacris concionibus

datur) tempus quoq; eternum erit: quippe quod mundus sine tempore esse non potuerit. Quod vero æternum est, origine omnino caret: tempus igitur originem non habet. Item, hoc pacto. Tempus aut originem habet, aut nō habet: sed si tempus habet originem, non fuit semper: Tempus autē habet originem, fuit igitur, quando non fuit tempus. At qui fuisse, temporis est significatio: fuit igitur tempus, quando non fuit tempus: quod fieri prorsus impossibile est: non est igitur ullū principium temporis: ergo tempus origine caret. Locus, a diuisione, Maxima, Condiuidentium vno sublato, alterum manet, & posito altero, tollitur reliquum.

A diuisione tandem per partitionem, ducitur argumentum, vt si queratur, An canis substantia sit, & talis formetur argumentatio, Latrabile animal substantia est, Belua marina substantia est, sydus itē coeleste substantia est. Hæc autem tria canis nomen significat, est igitur canis substantia. Item, Aut sanus est, aut æger, sed

sanus non est, igitur æger. Vel sic, æger non est, igitur sanus est. Vel ita, sanus est, igitur æger non est. Vel hoc modo, Aeger est, igitur sanus non est. Et hæc de argumentorum locis Dialecticis dixisse sufficiat. Qui quidem maxime in docendo Concionatori vsui erunt, (de quo vno potissime curam habere debet) vt inferius ostendemus.

De locis Rhetoricis.

LOci Rhetorici, quidam sunt communes, quidam non communes.

Ex communibus ii tantummodo Christiano Concionatori conueniunt, scilicet, Honestum, inhonestum, vtile, inutile, Facile, difficile, necessarium, non necessarium. Ab his facile est argumenta ducere, vt cum volumus aliquid laudare, vel suadere, eo quod sit honestum, vtile, facile, necessarium: aut si volumus vituperare vel dissuadere aliquid, eo quod sit inhonestum, inutile, difficile, & non necessarium. De hisq; omnibus inferius, cū

De sacris concionibus
de vsu partium orationis agemus, latius
dicemus.

Hic tamen illud monendum, ex locis
Dialecticis sumenda esse argumenta, qui-
bus ostendere valeamus, quid honestum
sit, quid inhonestum, quid vtile, aut inuti-
le, quid facile, aut difficile, & quid neces-
sarium, aut non necessarium.

Ex iis vero locis qui communes non
sunt, Concionatori tantum vsui erunt illi
qui personis attribuuntur. Hi autem sunt,
genus, natio, patria, sexus, ætas, educa-
tio, disciplina, habitus corporis, fortuna,
conditio, animi natura, studia, consi-
lia, mors, & quæ mortem sunt cōsecuta.
Ab hisq; omnibus argumenta ducuntur,
cum volumus aliquam laudare perso-
nam.

A genere primo argumentum ducis,
Nam similes parentibus, aut maioribus
suis, filii plerunq; esse creduntur.

A natione, Nam & gentibus proprii
mores sunt, nec idem in Barbaro, Græco,
& Romano probabile est.

A patria,

A patria, quia similiter etiam ciuitatū
leges, & instituta, habent differentiam.

A sexu, vt, latrocinium facilius in vi-
ro, veneficiū in foemina credas.

Ab ætate, quia aliud aliis anni tempo-
ribus magis conuenit. Et in hac, argumē-
ta ducuntur, a pueritia, adoleſcentia, iu-
uenta, & ſenectā.

Ab educatione, & diſciplina, Quoniā
refert a quibus, & quo quiſq; modo ſit in-
ſtitutus.

Ab habitu corporis, Nam, vt frēquē-
ter ducitur in argumentum libidinis, ſpe-
cies: ita petulantia, robur.

A fortuna, Siquidem nec iam credibi-
le idem eſt in diuite, ac paupere, illo pro-
pinquis, amicis, clientibus, abundante:
iſto vero his omnibus deſtituto.

A conditione, Nam plurimum diſtat,
clarus, an obſcurus quis ſit: magiſtratus,
an priuatus: pater, an filius: ciuis, an pe-
grinus: liber, an ſeruus: maritus, an
coelebs: parens liberorum, an orbis.

Ab animi natura, Etenim auaritia, ira,

De sacris Conciónibus
iracundia, misericordia, crudelitas, seueritas, & alii his similes affectus frequenter fidem afferunt, aut detrahunt.

Ab studiis quoque, Nam rusticus, forensis, negociator, miles, nauigator, medicus, aliud atque aliud efficiunt, hoc est, aliud atque aliud studium quisque eorum exercet.

A consiliis, quæ & præsentis, & præteriti, & futuri temporis sunt. Ex præteritis enim extimari solent præsentia.

A morte, ut si quis pro republica, aut pro fide, & religione mortuus sit.

Ab his tandem quæ mortem sunt consecuta, ut si miraculis post mortem clauerit quispiam. Et hæc de argumentis, deque locis argumentorum, quibus aliquid per argumentationem confirmatur, aut confutatur, dicta sint.

De argumentatione.

Repertis igitur argumentorum locis qui sint causæ adiumento, nosse oportet

ter, quemadmodū argumentationes or-
nate, & absolute tractare possimus, sic &
ipsi meminisse poterimus quid quo loco
dixerimus, & auditor argumentationum
distributionem, facile retinebit.

Argumentatio igitur, est oratio, per
quam res aliqua, aut probabiliter ostens-
ditur, aut necessarie demonstratur.

Ex hac argumentationis definitione
apparet, quod omnis argumentatio qua
ad probandum aliquid vtimur, aut nec-
cessaria, aut probabilis dici debet.

Necessaria argumētatio ea est, per quā
ea demonstrantur, quæ aliter ac dicuntur,
nec fieri, nec probari possunt: vt si muli-
er peperit, cum viro concubuit.

Probabilis autem argumentatio est,
per quam ea ostenduntur, quæ fere fieri
solent, aut quæ in hominū opinione po-
sita sunt. Ex his quæ plerunq; fieri solent,
huiusmodi est exemplum, Si mater est di-
ligit suum filium. Ex his quæ in hominū
opinionem posita sunt, tale Cicero in rhe-
toricis de inuentione exemplum sub-

De sacris Concionibus
iungit, Impiis apud inferos poenas esse
paratas.

De argumentationis partibus.

ARgumētationis partes sunt quinque,
eius præsertim quæ absoluta, & per
fecta habetur, quæ sunt, Propositio, ratio,
rationis cōfirmatio, exornatio, cōplexio.

Propositio est, per quam summam
ostendimus, quid sit quod probare vo-
lumus.

Ratio est causa, qua demonstratur id
verum esse, quod intendimus.

Rationis confirmatio, est ea, quæ plu-
ribus argumentis corroborat breviter ex-
positam rationem.

Exornatio est, qua utimur rei honestan-
dæ, hoc est, ornandæ tum & locupletan-
dæ causa. Hæc exemplis, similibus, com-
parationibus, & cæteris huiusmodi constat.

Complexio est, quæ concludit brevi-
ter colligens partes argumentationis.

Cæterum si brevis fuerit argumenta-

Recte formandis. ¶ §

tiō, supersedendum iam erit, tum exornatione, tum complexione: Exornatione quidem, ut si parū locuples ad amplificandum & exornandum res esse videatur: Complexione vero, si res brevis est, ita ut facile memoria comprehendi possit: Vtriusq; autem si res tenuis atq; humilis fuerit.

Amplissima ergo absolutissimaq; argumentatio, quinque partita est: Breuissima, tripartita: mediocris, quadripartita, sublata videlicet aut exornatione, aut complexione.

Argumentationis igitur perfectæ & absolutæ, Exemplum ex epistola Pauli ad Hebræos sumere licet. Sic proponit Paulus capite. 6. Quod Iesus præcursor pro nobis introiit interiora velaminis, secundum ordinem Melchisedec pontifex factus in æternum.

Rationem propositionis ostendit ex conditionibus ipsius Melchisedec & eius similitudine.

Confirmat rationem ex obuiatione,

22 De sacris Concionibus
ex benedictione, ex decimatione, ex no-
minis interpretatione, ex genealogia, ex
infinite. Item a contratio sic, quod non
secūdu Aaron, quod ex alia tribu, quod
ex iureiurando, quod in æternum.

Exornationes horum omnium patent
per totum Capitulum Septimum.

Concludit capite. 8. finaliter comple-
tendo sic: Talem igitur habemus pon-
tificem, qui cōsedit in dextera throni ma-
gnitudinis in cœlis. &c. quæ sequuntur.

Hæc argumentationis exercitatio ad
plurima nobis est utilis, non tantum ad
sacras Conciones formandas, Verum
etiam ad conficiendas epistolas, & confi-
lia in senatu danda, & ad quælibet alia
eloquia.

De confutatione.

Eodem vtitur inuentionis fonte con-
futatione, quo confirmatio vtitur, pro-
pterea quod quibus ex locis aliqua res
confirmari potest, iisdem potest ex locis

infirmari. Neque enim ex aliis locis ratio argumentorum in hac parte peti potest, quàm in cōfirmatione. Nec locorum, aut sententiarum, aut verborum, aut figurarum alia conditio est. Et ideo quam breuissimè hanc partem expediemus.

Confutatio igitur est, obiectorum satisfactio, per quam aduersariorum cōfirmatio aut diluitur, aut aleuiatur.

Si ergo cum hæreticis sit nobis contendendum, eorum confirmatio diluere, modis Dialecticorum ab Aristotele traditis.

Aleuiatur vero iis quæ sequuntur: aggressionem cuiuscumque grauissimam, ut cetera auditor vana credat.

Intermissione, breuitatis causa, si tempus daretur, plane satisfacturi.

Promissione solutionis, si antea pauca dixerimus, quorum multitudine auditorem obruimus, in tantum obtundendo, ut promissæ solutionis immemor fiat.

Attenuatione, ostendentes amplificando fuisse possibile quod aduersarii dixerunt impossibile, aut alia mente factum,

De sacris Concionibus

aut punitum, aut poenitentia emendatū.

Admonitione, qua aduersarium, si in argumento eo perseveraret, in pericula casurum minabimur.

Quæstione, duorum vel plurium; ex quibus male alterum sit electurus aduersarius, vel cui respondere nō possit.

Retorsione argumentorum in aduersarios.

Illusione, quādo argumenta in risum resolvimus.

Contemptione illorum, tanquam humilia, extra propositum, doctis indigna prætereuntes.

Suspicionem postremum. Nam quæ probare non possumus, figuratis suspicionibus aspergenda sunt.

De Peroratione.

SEquitur vltima sacre Concionis pars, quam alii epilogū, alii perorationē, alii conclusionem, & alii cumulum vocant.

Peroratio

Peroratio seu cōclusio est, artificiosus
sacrae concionis terminus, auditoris me-
moriā reficiens, & animum eius com-
mouens.

Singulae sacrae Concionis partes suos
epilogos, & breuissimas conclusiones re-
cipiunt, præter diuisionem. Quemadmo-
dum enim singulae Concionis partes, su-
as habent propositiones, sic etiam suos
epilogos habet. Is autem qui vniuersam
Concionem claudit, peroratio proprio
nomine appellatur. Singulae (inquam)
Concionis partes, suas habent ppositio-
nes, quoniam nomine propositionis du-
pliciter utimur. Alias propositionem vo-
camus eam sententiam, ad quam omnia
argumenta referuntur, quæq; per totam
Concionem tractatur, & exponitur. Alias
generaliter omnem sententiam proposi-
tionē vocamus, cui rationes subiiciunt.
Habent autem suas rationes exordia, ha-
bent suas rationes singula argumenta: ea
igitur sententia, ad quam illæ referuntur,
propositio vocatur, quod, scilicet, quem

De sacris concionibus

admodum quæ proprie propositio dicitur, per totum Concionis tractatur corpus, ita hæc suum peruagatur locum, & sicut illa in tota oratione, sic hæc in sua parte dominetur. Et hoc etiam ipsum similiter est obseruandum in peroratione, vt large & proprie perorationem accipi intelligamus, atq; illa simpliciter, ac proprie peroratio dicatur, quæ totius habitæ Concionis epilogus, & conclusio sit.

Peroratio igitur, seu conclusio, quæ pars est totius Concionis ecclesiasticæ, constat enumeratione, & amplificatione.

Enumeratio est, per quam ordine colligimus, & commonemus, quibus de rebus verba fecerimus, breuiter vt renouetur, non redintegretur, hoc est, enumeratio est per quam res disperse, & diffuse dictæ vnum in locum coguntur, & reminiscendi causa vnum veluti subaspectum subiiciuntur. In qua parte hoc commune a Cicerone præceptum datur, vt ex singulis argumentationibus (quoniam simul omnes iterum dici non possunt) id eliga

tur, quod erit grauissimum, & vnūquodque quam breuissime transeat, vt memoria, non oratio renouata videatur.

Curandum est præterea, ne aut a principio, aut a lectione, repetatur Concionis enumeratio. Quapropter secundum diuisionem sumendum est enumerationis initium.

Amplificationis tota vis est, & mouere animos tepentes, & sedare commotos.

Motus, est incitatio animi, aut ad voluptatem, aut ad modestiam, aut ad meritum, aut ad cupiditatem. &c.

Ad voluptatem mouentur homines, aut charitate, vt Dei, angelorum, sanctorum, ecclesiæ; aut amore: vt fratrum, coniugum, liberorum, familiarium, prælatorum, & officiorum in ecclesia: aut honestate, vt virtutum, maxime earum, que ad communionem hominum, & libertatem, ac mandatorum aleviationem, & conscientiarum serenationem valent; aut decore, transferendo sensibilia ad intelle-

82 De sacris concionibus

etum, deinde ad mentem, deum ad vi-
tam angelicam.

Ex his & cohortationes sumuntur ad
ea, quæ religionis sunt retinenda, & in
eos a quibus ea violata sunt, odia inci-
tantur, & miseratio nascitur. Hæcque
sunt, quæ de sacra Concione, deq[ue]
partibus eius, paucis dicen-
da nobis occurrebant.

Iam vero, ad vsum
omnium horum
transeamus.

Recte formandis. 9C 59

DE RECTO SACRAE CON-

cionis partiūq; eius vsu.

CAESA iam est materia, e qua domum extruemus, ligna, lapides, omnia deniq; pro rei vsu sunt cōportata: tractatum enim est iam supray, de arte seu facultate concionandi, de cōcionatore, de concione, deq; omnibus ad hæc expectantibus: nihil deest amplius, q̄ vt rectum omnium illorum vsu ostendamus. Pro cuius faciliori captu, & planiori intelligentia, animaduertendum est, quod scriptores, initia artium, ex artificum officiis ducunt, postea viā quærent ac rationem, qua officia illa perficiantur. Qui enim de Principis institutione scribunt, initio partiuntur officia Principis, vt pacem, domi, legibus, ac iudiciis, in bello, armis, defendat. Medici priusquam præcepta de dieta, aut morborum remediis tradunt, officia comme morant, sanitatem conseruare, & morbos curare. Quare nos etiam tradituri

22 De sacris concionibus

quædam de usu sacre concionis præcepta concionatoribus, primum quæ sint concionatoris officia, ostendemus. Tractatu vero primo diximus ex Cicerone & Augustino, concionatoris officia esse tria, scilicet docere, delectare & mouere seu persuadere: Verum illis iam tribus, quartum hic addemus officium, videlicet, laudare, seu vituperare. Cæterum ex his, delectare, non erit præsentis considerationis, quoniam delectabit utique Concionator, si suauiter dicat: dicet autem omnino suauiter, si rite, quæ supra iam tradidimus, præcepta seruauerit. Nec delectare (ut iam cum de elocutione tractabamus, monuimus) præcipuum Christiani Concionatoris erit officium.

Tria sane tantummodo præcipua Christiani Concionatoris sunt officia, docere, suadere, vel dissuadere, & laudare, vel vituperare.

Siue ergo docere velit Concionator, quæ sit vis & natura religionis: siue laudare rem, vel factum, aut personam quæ

piam : seu hortari, tum ad fidem, tum ad bonos mores : præcipuam & primam hanc habeat curam, vt recte intelligat ea quæ tractâda suscipit. Nemo enim de re, quam ipse penitus non habeat cognitâ, docere aliquis perspicue potest.

Proximum est vt ex re sic perspicue & ad amissim intellecta, deligat & assumat sibi propositionem aliquam, quæ summam totius causæ quam tractare vult, complectatur, vt certe habeat quod dicat, ne rudes animos varie rerum mole obruat, & consarcinata oratione operâ ludat, & frustra laboret.

Cognoscet præterea an talis propositio, thema sit simplex, aut compositum, quoniam in genere Didactico, non eodẽ modo nec ex eisdem locis, thema simplex & compositum tractantur, vti iam ostendemus.

Quarto deinde loco, inuestigabit, ad quod genus causæ, illa propositio seu thema pertineat. Aliter enim si ad genus Didacticum, & aliter si ad Demonstrati-

De sacris concionibus

uum, aut Deliberatiuum expectet, tractanda erit propositio;

Anima duerter item, quod cum generis Didactici duplex (vt diximus) sit thema, quod nec vnum neq; alterum, cum simplici aut composito, generis tum demonstratiui, tum deliberatiui themate (in tractatione) concurret: sed ex suis vtrunq; propriis sibi locis tractabitur.

Secus tamen est in alteris duobus generibus: siue enim simplex siue compositum sit thema; generis seu demonstratiui seu deliberatiui (nisi laudanda sit persona) eosdem suæ tractationes communes sibi habent locos. Dixi nisi laudanda sit persona aliqua, puta vt Christus, Beata virgo, aut quisquam sanctorum: quoniam cum hoc continget, id faciet concionator, ex locis illis Rhetoricis (quos superius diximus ad personas expectare) argumenta ducendo. Hoc est, personam commendabit, a genere, natione, patria, sexu, ætate, & cæteris.

Agemus igitur hic primo, de simplici themate

themate generis didactici, deinde secundo de composito generis eiusdē, & tandem tertio, de thematibus simul & generis demonstratiui, & deliberatiui, ut nostra hæc tractatio, tripartita sit.

De simplici themate generis Didactici.

CUm igitur vna aliqua vox explicanda est, primo omnium de definitione erit constituendum. Deinde querendę causę, post partes, quarto officia seu vsus, postea partium comparatio, & vltimó contraria.

Quemadmodum autem speculum bene politum, certissime reddit formam: ita non potest certius videri quid res sit, nisi eam definitione circumscripseris. Si quis tibi magnifice prædicaret ingentem aliquem thesaurum, tu autem neq; quid aurum, neq; quid argentum esset nosces, vana nimirum, quantumuis magnifica, esset prædicatio. Ita is demum rectissime docebit, qui primo quid res sit, deinde

De sacris Conciónibus
vsum rei explicarit.

Si igitur institutus esset sermo de fide, primo omnium querenda erit definitio, quid sit fides, Nisi enim definitione præmiseris quæ ceu viam reliquæ dispositioni sternat, nihil intelligent auditores.

Fides igitur iuxta Pauli sententiam ad Hebr. II. est substantia rerum sperandarum argumentum non apparentium. Vel secundum Theologorum scolam, Fides est, firmus assensus credendorum, propter dei revelationem.

Iactum iam est aliqua ex parte fundamentum. Pergamus iam & causas quoque videamus, nam hoc, secundo loco est agendum.

Porro cum causas hic quærimus, fere quærimus unde res aliqua ducat principium, aut sicut Dialectici dicunt, quam habeat causam efficientem, materialem, & formalem: quoniam finalis causa, sub postrema quaestione, ubi de officio quaeritur, tractatur.

Et si fides ergo acquisita ex auditu sit:

verū, efficiens fidei causa principalis, est spiritus sanctus, qui primo mentes cognitione peccati, & iudicio Dei terret: poſtea affectū in nobis creat, vt credamus, & quod vera ſunt quæ dicit & promittit Deus, & quod ea ad nos pertineant.

Formalis fidei causa eſt charitas, ſine qua fides informis & mortua manet.

In talibus diſputationibus improprie materiæ nomine vtuntur, cū dicunt materiam non ex qua aliquid fit, ſed eam re circa quam verſetur. Sic medicinæ materiam dicunt: morbos, quod ſcilicet circa morbos medicina verſetur, eoſq; curret, non quod ſicut ex lapidibus domus, ita ex morbis medicina conſtet.

Videbimus autem & nos materiam quoq; fidei, quæ ex definitione colligitur. Cum enim ſtatuiſmus fidem eſſe firimum aſſenſum credendorum propter Dei reuelationem, ſequitur fidem verſari circa omnia quæ nobis ab eccleſia proponuntur tanquam credenda vt pote a Deo reuelata vt ſunt articuli omnes fidei

De sacris Concionibus

& sacramenta, & omnia quæ in sacris bibliis continentur.

Externum igitur hoc verbum materia est fidei, in qua se sic exerceat, vt in curandis morbis medicus.

Vbi causas tractaueris, videndū quæ est, quas ea res habeat partes, vna ne sit an plura contineat. Est autem tam necessaria hæc pars, q̃ definitio: neq̃ enim fieri potest, vt recte is doceat, qui non diuidit commode. Debet autem hic tertius locus eo quoq̃ nobis esse cōmendator, quod ex eo petantur plerunq̃ definitiones. Recte enim intelligi potest quid sit corpus humanum, si dicas esse quod constet ex capite, collo, pectore, ventre, manibus, & pedibus. &c. Verum non omnia nomina sic diuidunt, pleraq̃ enim vnā tantum & simplicem rem significant, quæ nullas partes seu species habet. Sed fidei nomen simplex non est, quoniam diuiditur fides, informatam & informē: seu in fidem viuam, & mortuam: aut vt aliis placet in historicam & iustificantem.

Quartus locus simplicium thematum tractatorum, hic est, videre officium seu usum rei. Hoc vocarunt Dialectici effectum. Item finalem causam. Aedium usus hic est, defendere nos ab iniquitate aeris, item ut & nos & nostra in illis tuto esse possimus. Sic fidei quoque aliquis erit usus, neque enim res aliqua est, cuius non sit certus usus & finis.

Fidei igitur formatae, seu viuae officium, & usus est, quod inserit nos Christo.

Fidei vero informis, seu mortuae, officium & usus erit, assentire, & credere omnibus illis, quae nobis ab Ecclesia, ut credenda proponuntur.

Ex isto utriusque quarto loco, facile erit & quintum tractare, scilicet partium comparisonem. Comparanda enim est formata fides cum informi, & inde utriusque discriminé assignandum, & ostendendum.

Postremus tandem locus huius tractationis, est perquam facilis: sed qui maxime confert ad docendum, Et hic est, ea quae sunt contraria rei de qua est sermo,

De sacris Conciónibus
In medium adducere. Ut fidei contraria
est incredulitas. Hic etiam collatio quæ
dam facienda est, inter fidem & incre-
dulitatem, ut quæ sint quæ ex vtraq; se/
quantur cōmoda vel incōmoda, audis/
tor intelligat.

Ut quæ autē diximus facilius ac pla/
nius percipiantur, aliud subiiciamus de
Matrimonio exemplum.

De Matrimonio.

Quid? Mutuus consensus, quo al/
ter alteri se dedat, omnia, siue bo/
na, siue mala toleraturus.

Vnde: A Deo, quia ipse constituit in
Paradiso.

Partes hic non habent locum, quia
vnicum est matrimonium.

Officia, Procreare prolem, pie educa/
re ne posteritas pereat.

Comparatio partium (cum matrimo/
nium partes nō hēat) hic locū nō habet.

Contraria, adulterium, scortatio. &c.

Hoc quidē modo simplices quæstio-
nes omnes explicandæ illi erunt, qui cer-
te aliquid ita docere vult, vt intelligi ab
auditoribus possit. Nihil deest amplius,
q̃ vt capita illa, quę iam enumerauimus,
tum poliantur, tum apte compingantur.
Neque enim si hæc ita communiter pro
Concione dicas, intelligent auditores, &
ceu rudis, & nōdum elaborata materia,
asperiora erunt hæc, quam quæ animis
hominum adhærescere possint: Instru-
mentis iam opus erit, quibus materies
poliatur. Adferendum ad hæc est iam di-
cendi genus popularius ac copiosius, &
quemadmodum impulsa vela ventis, na-
uē sine negotio ferunt, sic ad hæc cōmo-
de pponenda tale orationis genus requi-
rit, quo ceu vēto aliquo inspiratę res, sine
negotio vllō in auditorū animos feran-
tur. Sunt tenuēs illæ rerum sex quæstio-
nes, aptis similitudinibus exornandæ,
contrariis sententiis augendæ, distinguē-
dæ exemplorum copia, neq̃ illorū quic-
quam quæ ad orationem augendam or-

De sacris Conciónibus

nandamq; videntur conferre, prætermittendum est diligenti doctore. Deniq; discernendum est concionatori, per omnes illos locos quos Dialecticos appellauimus, & ex illis quæ apta sibi ac conuenientia videbuntur argumenta (ad rem non solum confirmandam & manifestandam, verum ad amplificandam quoq; & exornandam, atq; animis auditorum facilius inculcandam) diligenter omnino colliget, & his sex membris seu quæstionibus suo cuiq; loco conuenienti, applicabit. Quod quidem, si iuxta præcepta, & documeta a nobis in hoc opusculo tradita, quodam cum iudicio & ratione, fecerit: miram in seipso dicendi copiam, experietur. Tunc prorsus tandem talis dicendi facultas vere parabitur, si ad magnum dicendi vsum, diligentem Ethnicorum scriptorum adhibueris lectionem. Quemadmodum enim fieri impossibile est, vel mediocriter pingere ex solis præceptis, si non habeas magistrum, qui manum in ducendis lineis primo dirigat,

rigat, deinde nisi exempla proposita sequaris; sic cum nulla alia eloquentie exempla, nullos alios magistros, q̄ vt veteres illos habemus, nisi ad illorum exemplum nos comparauerimus, eandemq; quam ipsi in dicendo secuti fuerimus rationem, nil promouebimus. Quia autem longe felicius is qui in docēdi officio est, promptumq; dicendi continuum vsum habet, dispositionem orationis alicuius in Virgilio, aut alio scriptore intelliget, q̄ qui sine illo dicendi vso, eam quātumuis diligenter legit: neuiquam committere debent, qui publice sacras res docēt, vt non aliquando ad illos solos eloquentie magistros recurrant, cum hoc etiam affirmare aulam, cum ad docendum vocati sunt, debere illos ex officio hęc studia sequi quę rationem bene & recte dicendi tradunt. Quod quidē qui fecerint, & Basilii, & Cipriani, & Chrysostomi cōtiones ad hūc modum formatas, exacte percipient: & suas similiter ad illarum normam facile component.

22 De sacris concionibus

De themate cōposito generis didactici.

Diximus supra cum de exordio age-
bamus, duo esse genera thematum
compositorum: alia enim docent, alia
versantur in locis suasoriis, cum adhor/
tamur, aut dehortamur, commendamus
aut vituperamus aliquid. Nec difficile
est, distinguere ea quæ docent, ab iis quæ
hortantur, aut dehortantur. Ea enim quæ
docent, plerumq; sunt aut de fide, aut iu/
stificatione, aut de lege, aut de remissione
peccatorum, ac similibus. Ideo enim hæc
tractantur, vt instruantur, animi hominū
in vera religione. De iis igitur thematis
bus quæ hortantur, aut dehortantur, vlti-
mo dicemus loco. De his vero quæ do/
cent, ille ordo cōseruandus est, vt primo
ipsa vocabula explices, Secundo expli-
ces simpliciter sentētiā, Tertio quæras
rationes, & sententias, Quarto exemplis
illustres, Quinto confutes contraria. Hæc
sententiā pro exemplo proponamus,
Opera charitatis sunt meritoria vitæ
æternæ.

Principio omnium, in hoc atq; simili-
bus exemplis, diligenter explicandi sunt
illi termini, ex quibus potissimum senten-
tia constat, quales hic sunt, opera chari-
tatis, meritoria, & vita æterna. Neq; enim
vnquam recte sententia aliqua explicabi-
tur, nisi prius partes, ex quibus constat,
diligenter exposueris. Non autem necesse
est, tam copiose omnia persequi in hac
partium expositione, vt supra in ratione
simplicium thematum ostendimus: sed
complecti breuiter ceu vno fasce compli-
catam sententiam debemus, eamq; pro-
ponere.

Explicatis igitur iam principalioribus
thematis partibus, sententia quam sim-
plicissime potest, proponenda est, vt si
propositionem iam supra positam, in
hunc deinde modũ proponamus: Ope-
ra quæ ex charitate procedunt, non tan-
tum premium habet temporale, verum
etiam æternum. &c.

Est autem hæc interpretatio sententiæ
longius trahenda, propterea quod firmi

De sacris concionibus

us ea adhærescant animis, quæ pluribus verbis dicuntur. Hic vtiq; habent locum omnia argumenta & rationes, quæ ex locis Dialecticis duci possunt: vt & sententia, ita prius simpliciter explicata, variis deinde argumentis ac rationibus manifestetur & confirmetur.

Vbi autem sententiam sic explicaris, colligendæ sunt ex sacris literis aliæ sententiæ, quibus ceu rationibus & argumentis, expositionem tuam cõprobes. Quod si quæ obscuriores sunt, illæ quoq; indicandæ & tractandæ sunt.

Debet autem summe caueri ab iis qui sacra docent, ne multam sententiarum congeriem connumerent. Hoc faciendū est, vt pauca atq; illæ aptissimæ & conuenientissimæ & quoq; apertissime producantur: in quibus explicandis, semper oratio ad institutam sententiam est dirigenda. Satius enim est, vnum & alterum clarum testimonium & firmum produxisse, q̃ multas quæ ad institutum non ita multum faciant, sententias allegasse. Nam præ

terquam quod incertis & male de tortis
scripturis non confirmatur animi homi
num, obscurantur etiam res magis ac ma
gis illa sententiarum copia. *Abuodidibz.*

Iudicium igitur aliquod requiritur,
vt videas quæ nam maxime ad institutâ
propositionem tuam faciant: & non vt
quæq; sese prima obtulerit sententia, pro
ferenda est, sed vt quæq; plurimum lucis
attulerit, plurimûq; valuerit. Videmus
autem hoc quoq; in doctorum hominû
disputationibus & scriptis. Hi pterunq;
vnâ aut alteram sententiam habent
apertam & grauem, quam aduersariorû
infinitis rationibus & scripturis oppo
nunt: id quod nobis quoq; cum impe
ritam plebeculam docemus, faciendum
est: facillime enim ea intelligent, quæ mi
nimum obscuritatis habent: & si non
obruantur animi numero sententiarum,
firmius eas retinebunt.

Cum igitur nostram institutam propo
sitionem cõfirmamus, illæ sententiæ qui
bus vtimur certæ esse & apertæ debent.

De sacris concionibus

Quemadmodum enim in iudiciis, illi testes, quorum suspecta fides est, reiciuntur, sic quoque in oratione non nisi illa adhibenda sunt, quæ sunt apertissima & minimum ambiguitatis habent.

Proximus locus sunt exempla, quæ quamvis non tantum probent, quantum sententiæ, tamen ad probandum non nihil faciunt, & maxime orationi afferunt lumen: præcipue autem in suasoriis sermonibus dominantur.

Quemadmodum autem in colligendis sententiis præcepi, sic & hic moneo, ut ea tantum exempla afferamus, quæ sint apertissima.

Præterea hoc quoque monendum est, in narrandis historiis magnam circumstantiarum curam esse debere, ut omnia quam commodissime referantur. Nam cum illis oratio multum augeatur, ad perspicuitatem quoque plurimum conducunt.

Postremus locus sunt contrariæ sententiæ, seu confutatio eorum quæ opponi possunt. Sunt autem semper obscuriora per clas-

riora exponenda: quod si quę omnino
disfentiant, ea sunt interpretatione aliqua
mitiganda.

Ad huncvtriq; modū, Thematū alterū
genus tractat, quod vocatur Didacticū.
Debet autē nobis hęc ratio ideo esse com
mendatioꝝ, quod fere in omni sermone
ea vtamur, & apud veteres, qui rectissime
locuti sunt, ad hūc modum grauiſſimas
res explicarunt.

Ciceroni autem præ reliquis in vſu
fuit hęc ratio. Principio propositiōem
ponit, illi plerunq; rationem subiicit, nō
nunquam etiam illius rationis aliam af
fert rationem, tandem exēpla addit. &c.
Si igitur aliquando concionatori pla
cuerit, hanc Ciceronis rationem ſequi, id
cōmode facere ſciet ex præceptis, tum
totius concionis, tum maxime argumen
tationis, ſupra ſuis locis a nobis traditis:
neq; opus eſt illa eadem hic repetere:
Tantum monendum, locos Dialecticos
huic tractationi maxime poſſe inſeruire.

Cæterum quia nobis ſic loquendum

28 De sacris concionibus

est, cum vulgo sacras res tractamus, vt
 quamplurimum nos intelligant, & di-
 cendi ratio, apud illos solos, qui olim
 scripserunt in latina lingua, extet, impiū
 est sic contemnere humanarum literarū
 studia, vt pleriq; nunc faciunt, quin po-
 tius Deo agendæ erant gratiæ, pro illa
 cōmoditate, quod etiam gentilium scrip-
 torum lectio, ad verbū Dei felicius &
 clarius docendum conducatur.

De thematibus generis deliberatiui si-
 mul & demonstratiui.

SVpra iam monuimus generis delibe-
 ratiui thema, semper esse compositū,
 generis vero demonstratiui tū simplex tū
 etiam compositum, quoniam personæ
 & res sunt simplicium thematicum, facta
 sunt cōpositi thematis. Monuimus præ-
 terea, quod cum persona commendanda
 est, argumenta ducenda sunt ex locis
 rethoricis ad personam expectatibus.
 Siue igitur res siue factū aliquod lau-
 dandum

dandum aut vituperandum sit, siue quicquam adhortandum aut dehortandum, eisdem utimur locis. Loci vero per quos huiusmodi themata tractantur, fere hi a rhetoribus præscripti sunt, honestum, inhonestum, utile, inutile, facile, difficile, & necessariū. His sane locis, ad bona opera, ad pacem, ad coelibatum, ad coniugium, ad verā pietatem adhortamur: quibus etiam dehorramur a vitiis, ab impietate, auaritia, luxuria, ebrietate, seditionibus, rixis, & similibus. Est autem facilius horum thematū tractatio, quoniam qui diligēter simplicium thematum generis didactici locos didicerit, is faciliore ad hæc quoque aditum habebit: nam fere ex illis nati sunt, sicut commode indicabimus.

Honestum vocarunt, cum aliquid aut Deo probatur, aut cum nostra ratione & iudicio consentit. Sic inhonestum homicidium dicitur, quod prohibuerit id Deus, & nostra nos conscientia post admissam cædem dānet & accuset, sicut in ho-

De sacris Conciónibus
micidis videmus. Sic honesta dicitur re-
ligio, quod Deus eam probet, & exigat,
& nostra ratio statuatur Deū colendū. &c.
Nos quia sepius in docendo ad hunc
locum recurrimus, pro exemplo tractabi-
mus hanc sententiā, Bona opera esse pre-
standa. Tractaturus igitur hanc sententiā,
primo omnium explicabit definitione
subiectum: hoc enim in omni disputatio-
ne, cuiuscunque tandem generis sit, facien-
dum est, ut hæ voces quæ potissimum tra-
ctantur, definitione circumscribantur, ut
ceu in certo loco consistere auditor pos-
sit, neque huc illuc incertus animus de
principali termino (ut sic vocem) volo-
uatur.

Statim autem, postquam admonuisti,
quæ bona sint opera, nempe ea quæ ex
charitate Christiana procedunt: conuer-
tendus animus, & cogitatio ad honestū
locū est. Dixi autem honestū dici, quod
tum Deus præceperit, tum etiam nostra
ratio probet. Congerenda igitur una aut
altera sententia est, aperta & propria qua

Deus opera a nobis exigit, deinde ratio quoq; nostra quid sentiat consulenda: ex illa enim omnes sententiæ, quæ passim apud Gentiles de moribus extant, natæ sunt. Faciunt autem & illæ, si modice & suo loco aspergantur, commendatiorem & elegantiorē orationem.

Faciendum autem est, ut paucissimis sacræ scripturę sententiis, sicut supra iam monui, iisq; gravissimis utamur. Et electus quidam adhibendus est, ne ex tantis opibus ea quæ vilissima sunt, & minime precii, stulte delegisse videamur.

Supra in simplicibus thematibus generis didactici de definitione, & causa efficiente præcepimus: ex iis duobus locis nascitur fere locus honesti, si diligentius consideres.

Notabis autem, qđ argumenti tantum nomen honesti sit, neq; dicturo publice hoc nomine utendum est, Opera sunt honesta. Sicut quoq; nemo sanus cum docet, iam propositionis, iam cōfutationis nomine utitur. Sed illa nomina ideo sunt

De sacris Concionibus

reperta, vt commonefacerent quid in dicendo sequédum, aut quo noster animus referendus esset.

Stultum igitur esset declamantem dicere, Opera sunt honesta, ergo præstāda. Quin sic potius propones, Bona opera nullo modo Christianis omittēda sunt, quia ea exigit Deus, & quoq; nostra ratio nos commonet, ea esse præstāda. Hæc erit huius loci ab honesto propositio. Habet enim singuli loci suas partes.

Confirmationis deinde vice subiiciēda sunt rationes ex locis Dialecticis deductæ, & sententiæ, in quibus Deus præcepit bona opera: illæ sunt exponendæ, illustrandæ, amplificationibus & exemplis exaggerandæ. &c. Deinde conclusio subiicienda, Ergo non sunt omittenda bona opera. In hanc sunt similia conferenda, itē oīa genera amplificationū.

Dixi quid sit honestum. Iam igitur & quid vtile vocarunt, explicandū. Quāuis autem ipsum nomen satis apertum sit, quia tamen omnia crassissime tradere

decreui, & illud explicare non grauabor
ne quid imperitior harū artium requirat.

Supra in simplici generis Didactici
themate, quartus locus erat officium seu
effectus. Inter locum igitur utilitatis &
effectum nihil aliud interest, quam quod
hoc nomine Dialectici, illo rhetores utā
tur. Cum vsum enim rei consideramus,
quid conferat meditatur, hoc est, quid
hoc aut illud fecisse profit, quid oblit ne
glexisse, &c.

Sunt & in hoc loco, ut eo grauior fiat
oratio, sacræ sententiæ, quæ premia bo
nis operibus promittunt, conquirendæ.
Habent autem varias promissiones bo
na opera, & ad plura prosunt. Primo igi
tur loco illi effectus sunt proponēdi, qui
sunt grauissimi. ut. 2. Petri. I. Frātres sata
gite, ut per bona opera, certam vestram
vocationem & electionem faciatis. Itē,
Ite in ignem æternum, qui me non pau
stis, non visitastis. &c. Hic æterna vita bo
nis operibus promissa est. Item corpora
lis promissio, Quicumq; fecerit hæc, viuet

De sacris Conciónibus

in eis. Item, Qua mensura mensi fueritis. &c. Sic confirmant bona opera vocacionem nostram, promissionem vitæ eterne habent, habent promissionem omnium bonorum corporalium, sicut Psalmus dicit: Non vidi iustum derelictum, neq; semen eius quærens panem.

Hi effectus sunt amplificandi collationibus, item aliis ornamentis, item circumstantiæ tractandæ. Quicumq; fecerit, hæc minimo ex meis, mihi fecerit. Non homo, sed Christus, cui illa omnia fiunt, erespiciendus.

Est circumstantia personæ, quam licet amplificare bono ornamento. Si Christus adhuc esset viuus, omnes ad illum curreremus. &c. Propior autem iam est, cum se in omnes illos, qui nostra opus habent ope, cōcluserit, & aperte dicat, sibi fieri, quicquid minimo ex suis fiat.

Hi duo loci copiosissime semper ac fere soli tractantur. Est autem plane contrariorum eadem disciplina. Quemadmodum enim honesta, Deo volente & man

dante, item approbante nostra conscientia fuit, ita turpia & inhonesta Deus prohibuit, & nostra ratio damnat. Similiter quemadmodum illa profunt, sic hæc obfunt, & ut bonis operibus promittit Deus vitam æternam, sic vitia punit æterna morte & ira sua. Præterea quæ vitiorum incōmoda, illa non est huius loci aut instituti recensere, sunt enim quibusvis nota. Hoc tamen obseruandum est, quod & illa nonnunquam sacræ literæ referant, addant tamen aliquid maius, quam humanæ literæ aut ratio, scilicet iudicium Dei, & iram. Sic Salomō tribuit ebrietati, quod pariat tumultus, addit tamen hoc facere quoque subsanatores, qui Deum magis ac magis lacessant, ruere e peccato in peccatum. Illa diligenter sunt videnda, suisque illustranda coloribus.

Reliqui sunt duo loci, facilitas & necessitas, ii plerumque adhibentur loco amplificationum. Ut si dicas de bonis operibus. Tanta commoda promittit Deus bona facientibus, quam autē paruo no-

De sacris Conciónibus

bis illa constabunt : Non exigit vt opes tuas profundas temere, vult te dominũ esse tuorum fontium, riuulos tantũ vult te foras deducere, prohibet illam turpẽ auaritiam: si re non potes, iuua consiliũ, labore, opera tua, &c.

Similiter & necessitatis locum tractat. Hęc quidem facientibus, bona infinita sunt promissa, quę nisi sponte fecerimus, cogemur cum nostro malo. Habet magistratus ius homicidas, adulteros, fures necandi. Quod si consulto ab his vitiis abstinere non voles, fer tuam penam. Recidunt fere hęc in honesti locũ, quod Deus precepit, cui sit parendum, & in locum vtilitatis, sicut vides.

Hoc vero monendum est, nullum amplificationum genus neq; facilius, neque vberius esse, q̃ si contraria seu Antitheses subiicias: vt si dicas de premiis, quę proposita sunt bonis operibus, subiicias pœnas malis operibus ppositas, Hęc Deus nobis proposuit & promisit. Quod si nihil tantis promissionibus cõmouemur,

at

at horribiles poenæ nos a peccando retrahant: æterna enim morte puniet peccata, sicut dicit. Præterea ira sua viuos etiam num ac mala conscientia torquebit & premet, omnia illis erunt aduersa. Obiiciet ipsorum vita variis periculis: morbis, inopia, ignominia premens. &c. Nomen impiorum ad posteros radicatus evertetur, & peribit.

Ex his Antithesibus tantum lucis accedit orationi, præterea quoque tantum ad persuadendum faciunt, quantum nullum aliud genus amplificationum.

Faciendum igitur est, ut semper ad contrarias sententias nos referamus. Sic ubi vituperasti ebrietatem aut iram, subiicienda laus est sobrietatis, aut patientiæ. &c. Quia autem hoc postremum genus plurimum ornamentorum recipit, diligenter venanda nobis sunt ea, tum ex Oratoribus, tum ex Poetis Latinis, apud quos omnis dicendi ratio sepulta est.

Neminē igitur Theologorum pudeat nonnunquam vel orationem aliquā Cio

De sacris concionibus

ceronis, vel Virgilii poema manibus circumferre. Nam qui diligenter dicere volet, ille statim deprehendet, maiorem omnino illarum literarum esse usum, quam vulgus Theologorum nostri seculi intelligat.

Legat præterea eos qui de moribus formandis scripserunt, puta, Platonem, Aristotelem, Senecam, Plutarchum, & alios. Quoniam si contra ebrietatem, aut iram, dicturus sis, omnia quæ dici possunt, exceptis sententiis sacris, quæ Dei iram minantur, a quovis gentili vel dici poterunt, vel forsan iam dicta ab illis inuenies. Sunt enim effectus ebrietatis, aut iræ damna & incommoda, item magna turpitudinis pars, rationi ac oculis subiecta. Deme igitur sententias sacras, & tam bene contra ebrietatem, aut iram Cicero declamabit, quàm Christianus quispiam.

Duplex ergo est ad hæc tractanda adferendum instrumentum: sacræ sententiæ, quæ bonis operibus promittunt premia, & vitiis minantur iram Dei: Item nostræ

rationis iudicium, & experientia, quæ cū de externis rebus iudicare debet, tanquā in suo regno statuere aliquid certi potest. Sicut enim certo de colore iudicare oculi possunt, sic etiam ebrietatis, aut iræ dāna & turpitudinem perspiciunt. Quæ si dicendo exaggeres, & ceu vno fasce conuoluta, latius auditorum oculis spectanda euoluas & explices, apta ea ad dehortandum, aut persuadendum erit oratio.

Illud postremo monendū est, tria hæc genera (de quibus diximus) Didacticū, scilicet, demonstratiuum, & deliberatiuū, inter sese aliquando ita commisceri posse, ut id ipsum quod docemus, simul & commendare & persuadere possimus.

Cæterum est & aliud quartum quoque genus (in sacris concionibus) dicendi, ubi simpliciter tractatur scriptum, hoc est, cum tractatur textus euangelicus eo ordine simpliciter quo scriptus est de verbo ad verbum. De quo utique genere, non necessarium fore duxi, exemplum speciale aliquod proponere, cum nihil

De sacris Concionibus

eo genere vulgaris sit; nihilq; facilius. Quamuis enim peculiaris ab aliis & diuersa eius generis tractatio facta sit: ego tñ eam non feci, quia etiam in ea tractatione nōnunquam vel simplex aliquod thema, vel locus communis explicatur, & potest ea tractatio ex his, quæ nos tractauimus, exemplis peti, neq; ideo necesse est peculiaria eius rei p̄cepta tradere. Hoc tamen admonendum est, vt etiam in illa simplici tractatione textus, quantum fieri potest, omnia in certum ordinem cogantur, vt ceu membra membris subiecta, inter se omnia consentiant, & vt possit etiam certi aliquid inde disci. Curabis præterea in illis, vt quam diligenter omnes rerum, personarum, locorum, temporum circumstantias rimeris, præsertim in historiis tractandis, & singula pene verba sunt ponderanda, id quod mirabilem rebus lucem adfert, & ad copiam orationis plurimum facit: & hæc de eo genere sufficiant.

Tractatum igitur a nobis iam est, in

hac vltima huius secundi tractatus parte, de vſu thematis, confirmationis, & confutationis cuiuſq; generis, quæ partes ſunt ſacræ concionis. De inuocatione vero Spirituſſancti, ac de Proœmio, Narratione, Diuiſione, & Peroratione, nihil amplius hic dicendum occurrit, q̃ vt iuxta præcepta de his, a nobis ſuis locis tradita tractentur.

Solum vnum vltimo tandem hoc loco monebimus, quod maximam vim habet, non modo in ſacris Concionibus, verum in omnibus diſputationibus, videlicet, vt Hypotheſin transferamus ad Theſin. Vocant autem Hypotheſin, negociũ de quo controuerſia eſt, circunſcriptum circunſtantiis: vt, ſit ne bellum mouendum aduerſus Turcas. Theſin vocant generalem quæſtionem, vt liceat ne Chriſtiano bella gerere.

Facile autem iudicari poteſt, cum de Turcico bello dicendum eſt, omnia planiora, atq; vberiora fore, ſi a ſpecie ad genus oratio transferatur, & de magiſtratus

De sacris concionibus
officio, de bello in genere dicatur, quam
pium, quam sanctum officium Reges fa-
ciant, si has gentes ipsorum tutelæ com-
missas, aduersus Turcicum latrocinium
defendât. Ac Christus ipse docet nos hoc
artificium, qui sæpe transfert Hypothe-
ses ad Theses, vt cum excusat Apostolos
de violata traditione Phariseorum, inci-
pit in genere de traditionibus illis Con-
cionari. Cum adferretur ad eum Historia
de crudelitate Pilati, grauissimam Con-
cionem habet de pœnitentia. Lucae. 13.
Semper enim Thesis in aliquo locorum
communium, versatur.

Adhibentur autem loci communes &
ad probandum, & ad amplificandum.
Etenim fere in omni probatione, maior
nascitur ex aliquo communi loco. Idque
diligenter obseruent studiosi, vt sciant vbi
sit vsus locorum communium, quos qui
prudenter eliger, non poterit feliciter nō
docere.

Cæterum vt omnium præceptionum
quas in hoc nostrum collegimus opuscu

Recte formandis.

76

**lum, faciliior sit vsus, breui (quo ad po-
terimus) Euangelicas Conciones Domi-
nicarum totius anni, hoc artificio tracta-
tas, edere, conabimur : Si Christus
tamé, vt speramus, nostris fa-
uere digneſ conatibus,
cui gloria & impe-
rium in ſecula
ſeculorum.
Amen.**

Finis operis.

DE FORMANDO
STVDIO RODOLPHI
AGRICOLAE AV,
REA PLANE
EPISTOLA.



Ad formanda studia, corrigendaq; iudicia, vix aliud hac Epistola leges accommodatius. Proinde studiose omnis operam dabis, vt quamfamiliarissima tibi fiat.

77
RODOLPHVS AGRICOLA

Iocobo Barbiriano S. Lupatini

SCRIBIS suauissime Iacobe
atq; optas, dari tibi facultatem
degédæ mecum vitæ, quo pos-
ses id, quod maxime cupis, ve-
lut ductu auspiciisq; meis, studia tua in-
stituere atq; formare. Vellem equidem
tantæ mihi eruditionis, tam magni in li-
teris doctrinisq; vsus conscius essem, vt
istud tam iure meritoq; deberes cupere,
q̃ te scio vere id atque ex animo opta-
re. Hortarer te, vt rebus omnibus relictis
quecumq; vel vtilitatis specie te deuin-
ciunt, vel voluptatum illecebris blandi-
untur, eruditionem studiaq; me duce se-
querere: & incisis omnibus, vel abruptis
etiam vinculis, quibus alligatus teneris
prona præcipitiq; ad optima tenderes
via: facerem id non modo tua causa, cui-
us maxime & deberẽ, & vellem, sed &
mea quoq; quum sperarem tantum no-
minis opinionisq; apud multos cõsequi

Rodolphi Agricolaë

posse, tantūq; fuisse me plerisq; p̄suasum
iri, quātū te monitis, p̄ceptioneq; mea
factum viderent, quantumq; fieri te posse
exploratum habeo, & de te ingenii vis,
amor studiorum, naturæq; tuæ felicitas,
mihi promittūt. Nunc cum ad nullam
tantam spem mei vocare te possum, quæ
villo incōmodo rerum tuarum tibi sit re
dimenda: rebus ipsis pareamus oportet:
Vtq; optabile nobis esset, si vnū aliquem
in locum nos felicior casus contulisset:
sic hoc desiderium nostrum est hac com
moda rerum tuarum conditione lenien
dum, & iucundissima putanda, quæ opti
ma sunt. Vt tamen interea p̄ceptoris
apud te munere fungar, & per literas
(qua datur) ostendam, qua ratione tibi
putem studia tractanda, paucis, & quan
tum epistolæ capit angustia, quod opti
mum censeo, explicabo. In studiis for
mandis duo p̄cipue spectanda credi
derim. Prius, quod studiorum maxime
genus cui lectandum sit. Deinde, qua ra
tione quis in eo, quod elegerit plurimū

efficiat, de utroq; ordine dicam. Studio-
rum genus, alteri necessitas vel rerū, vel
naturæ suæ assignat. Alter voluntate sua
ad id, quod optimum censet, sese adiun-
git. Ut enim cui angustior res familiaris
contingit, eas fere sequitur artis, unde
promptissimū putat posse necessitatibus
suis præsidium parare. Ut etiam cui segni-
or natura obtusior mentis acies est, si mo-
do perdere nolit operam, ea sequi debet:
non quæ maxime cupit, sed quæ rectissi-
me potest. Sic is, cui facultatum vberior
copia, & felicior ingenii vis tributa est, ni-
mirū errabit, si non totis viribus ad opti-
ma feretur, quandoq; ad summa pertine-
re possit, malit inter secunda potius ter-
tiaue subsistere. Ergo ciuile ius alius, ali-
us Pontificum sanctiones, alius Medici-
næ artem discendam sumit: pleriq; etiam
loquaces has, & inani strepitu crepitan-
tes, quas vulgo artes iam vdcamus, sibi
vindican, & perplexis disputationū am-
bagibus, vel etiam (vt verius dicam)
æigmatibus diem terunt. Quæ tot iam

84 Rodolphi Agricola

seculis nullum inuenerūt Oedipodem,
 qui ea solueret, nec inuentura sunt vnq̃.
 His miseras adolescentium onerant au-
 res, hæc subinde ingerunt inculcantq̃, &
 in plerisq̃ meliorem ingenii spem atque
 frugem, in teneribus adhuc annis, velut
 in herba enecant. Laudo eas omnes ta-
 men, plus certe laudaturus, si recte ordi-
 neq̃ tractarentur: nec enim tantum desi-
 pio, vt solus damnem; quas tam multi
 laudant. Quid ni laudem vero? quibus
 videam multos summas opes, amplissi-
 mos honores, auctoritatem, famam, digni-
 tatem consecutos. Et quas certe vendibi-
 liores (vt Ciceronis verbo vtar) sciam
 & plane fatear, aliis nonnullis, quas ster-
 riles & ieiunas vocant, vt quæ magis ani-
 mum explere, q̃ arcam. Si lucri rationem
 itaque ducis, habes ex illustrioribus illis
 aliquā, quam sequaris, vt diues fias: dū
 tamen scias hanc laudem vt contingat,
 tibi cum foeneratore fore communem.
 Sin rectius credis, quæ honestæ sunt,
 propter se expetere, & quas habes faculta

res, suffecturas putas modestiæ tuæ. Quandoquidem immodestiæ, & quantumvis parvæ, nimix sunt, & quantumvis magnæ, non sufficiunt, censeo, ut ad Philosophiam te conferas, hoc est, enitaris, ut recte de rebus sentias : & quæ sentis, commode ut possis eloqui. Scire autem duplex est, proinde & duplex conditio rerum quas inquirimus. Aliæ namq; res ad actiones, moresq; nostros pertinent, quibus omnis ratio vitæ, recte riteq; degendæ cōtinetur, quam Philosophiæ pars ea, que moralis vocatur, tradit. Huius prima nobis, & præcipua habenda est ratio. Hæc autem est petenda tibi non modo a Philosophis, qui literis eā tradidere, ut sunt Aristoteles, Cicero, Seneca, & si qui sunt alii, vel Latini, vel Latine redditi, ut digni sint qui legantur, sed ab Historicis etiam, & Poetis, & Oratoribus. Quoniam ii, & beneficia laudando, & quæ contra facta sunt, vituperando, non docent quidem, sed (quod efficacissimū est) exemplis propositis, quæ recte secusue fiant,

Rodolphi Agricolæ

ostendūt. Per hæc gradus ad sacras literas faciendus est, & ad illarū præscriptū dirigendus vitæ nobis ordo, saluberrimisq; illis ducibus, de nostra salute credendum, Reliqua omnia aliorū tradita, plus, minusue erroris, tamen habent admistum aliquid. Neq; enim cōtingere potuit eis, vt rectum, & nulla aberrantem parte cursum vitæ instituerent, quisquis esset vitæ propositus finis, aut nescirent, aut veluti per nubem spectantes suspicarentur, dicerentque constantius, quàm crederent. At sacræ literæ, tam longe ab omni errore remotæ sunt, quam qui eas tradidit, Deus. Hæ sunt, quæ solæ nos certa, solida, rectaq; ducunt via, quæque omni discussa caligine, sequentem se non falli, non excidere, non vsquā aberrare patiantur. Sunt & aliæ res, quarum cognitio magis ad ornamentum animi nostri, honestamq; voluptatem, quam ad necessarium vtiq; vsum pertineat. Cuiusmodi est omnis disputatio de naturæ rerum, multiplex certe, variumq; nego-

tiū , & multipliciter quoq; a multis sum-
mo ingenio viris tractatum , Quæ ut nō
necessaria sit ad boni viri mentē forman-
dam effingendamq; , non parum tamen
contulerit, vel eo , quod vbi hæc cura p-
quisitioq; rerū bona fide sibi cuiusquam
vindicauerit animum, nullum sordibus
vilibusque curis locum relinquit , deinceps
de quod docet contemnere atq; pro ni-
hilo putare ea , ad quorum conspectum
vulgus stupet : per quorum possessionē
etiam eis, qui felices putantur , miserean-
tur, quando ostendat , quam vanis omnia
futilibusq; cōstent causis, dicatq; nullo
lām rerum naturæ posse pernitiem con-
tingere maiorem , quam si omnes eius
vel sordidissimæ partes tales fiant, qua-
les nunc sunt aurum, gemmæq; , quibus
publica humani generis insania summū
esse pretiū voluit. Postremo, quia quan-
do intelligimus hac monstrante, fragilis
huius caduciq; corporis nostri habitum,
omnibus casibus obnoxium , discimus,
omne curam nobis ad animam esse trans-

ferendam, hancq; excolendam, in qua
nulla nobis opera frustra, aut peritura lo
catur: quippe in quam quicquid collatū
sit, immortale (sicut ipsa est) æternūq;
sit mansurum. Transeo multa, neq; enim
epistola esset, sed voluminis opus, om
nia cōplecti, quę in hanc possent senten
tiam dici. Hoc satis est ostendisse, quod
tute minime ignoras, dignam hanc esse
studiorum, in qua viri boni mens elabo
ret. Nec ego aditum tantum primaq; ini
tia harum artium participere te velim,
quod nunc vulgo in scholis fieri vider
mus, quoq; tu pridem cum magna lau
de pulchre, prolixeq; præstitisti, sed res
ipsas attingendas censuerim, tum terras
rum, marium, montium, fluuiorum situs,
naturas, gentiumq; in his mores, termi
nos, conditionem, imperia, vel accepta,
vel prolata: tum arborum, herbarumq;
vires, quas Theophrastus iam animan
tium historiam, generationem, partes,
quas Aristoteles literis mandauit, per
quirendum. Quid dicam, quæ de re rus
tica

stica tractata sunt, quidq; de Medicina?
alius rem militarē, alius architecturam,
alius pingēdi, fingendiq; rationem conscrip-
sit, quas artes, tamen si non sum nesci-
us, non intra partem eam disciplinarum
claudi, quæ rerum naturam scrutatur: ta-
men quia cognitæ sunt illi, & ab eisdem
fere p̄deunt fontibus, non est quod nunc
in eo magnopere sim sollicitus, quando
ad eundem ordinem redigendas putem.
Hæc ergo omnia, quæ dixi, & ad mores
rostris, & ad rerum naturam pertinere,
ex eis discenda tibi sunt autoribus, qui re-
bus cognitu dignis clarissimum eloquen-
tiæ lumen addiderunt, ut vna opera, &
rerum notitia tibi, & quod post eam pro-
ximum feci, commodè eloquendi ratio
contingat. Qua quidem de re scis multa
& summis viris tradita esse p̄cepta. Quod
tamen ad corruptam institutionē loquen-
di emendandam pertinet, quam pueri in
scholis accipimus, huius mihi admonen-
dus videris. Fac suspectum tibi sit, quicquid
hactenus didicisti, damnes omnia.

te nimium, nec satis cum re proposita co-
 hærens, dictum fuerit, in eo sermone ex-
 peditius annotabit quisq; , quem notissi-
 mum habebit. Postremo vt hunc locum
 cōcludam, quicquid eris scripturus, des
 operam, vt quam purissime id recte tan-
 tum, Latineq; inter initia eloquaris. Or-
 nate dicendi posterior erit cura, quod cō-
 tingere certe, nisi sana & integra sit ora-
 tio, non potest. Euenit enim eloquentiæ,
 quod corpori, in quo si nō omnia mem-
 bra sint suo quodq; loco disposita, si sine
 a recto habitu detorta, si magnitudinis
 suæ modum egressa, frustra illi circunde-
 deris ornatum. Pugnabit enim cum or-
 namentis suis corpus, & illustriorem de-
 formitatem eius, decor externus faciet il-
 li comparatus. Sed de hac parte, quæ ti-
 bi studia potissimum sectanda putem, ha-
 tēnus: Reliquum est, vt dicam quo pa-
 tō plurimū in studiis fructus consequi-
 turū te credo. Alius aliter fortasse, ego ita
 sentio. Quisq; in percipiendis doctrinis
 cupiet dignū aliquem laborū fructū adis-

Rodolphi Agricola

pisci, illi tria esse praecipue praestanda, ut
plane recteq; percipiat, quod discit: ut si
delirer, quod percepit, continet, ut & ex
eo aliquid ipse deinde parere, proferreq;
valeat. Primum diligentis lectionis est
opus: Secundum, fide memoria: Ter-
tium, assidua exercitationis. In lectione
id conandum in primis est, ut quod le-
gimus, quam maxime fieri poterit, intel-
ligamus, & penitus habeamus perspe-
ctum: nec rem tantum, quae traditur, sed
& verborum in disertis autoribus vim,
proprietaem, structuram, ornatumq; per-
spiciamus, quis decor, quod pondus
sententiarum, quae vis explicandi, & res
proferendi verbis, & velut in lucem con-
spectumq; protrahendi. Nec tamen istud
eo pertinet, ut si vel per se obscurior, vel
nobis ignotus occurrerit locus, statim re-
sistendum illic: nec progrediendum ul-
tra putemus, ut (quod nonnulli) statim
proiciamus librum, damnemusq; stu-
dia, & ingenium nostrum depleamus.
Diligentia enim, non indignatione ad

profectum est opus. Transeuntes ergo, si
quid erit, vbi intellectus non possit erui,
& in aliud reseruandum tempus, donec
vel homo, vel liber nobis contingat,
qui id aperiat, vel alia lectio, quod crea-
brum est, doceat. Dies enim (quod dice-
re soleo) diem docet. Quod si Quinti-
lianus inter virtutes grammatici nume-
randum putauit, aliqua nescire, quanto
magis nobis, vt non dicam necessarium
saltem cum venia erit, nonnulla ignorare:
Nolim tamen videri cuiusquam desi-
derii patrocinium me his commemoran-
dis parare. Nam contra videor mihi nul-
la re alia cuiusquam studium posse vche-
mentius accendere, q̃ si ostendam ipsam
sibi lectionem aperire viam, & omnem
legendi laborem legendo superari. Pro-
ximum est, vt memoria firmiter, quod ac-
cepit, asseruet. Constat autem memoria in
primis natura, ea tamen adiuuatur arte,
quam alii quidem aliter tradidere, sed
sic tamen, vt summa rerum eodem fere
redeat. Eam artem duobus maxime vso

bus accommodam arbitror. Aut enim subito dicendum est, & maior aliquis rerū numerus commemorandus, in quo periculum adeundum est, ne ut ordine, vel numero destituamus, ut quū legati apud Principem, aut Senatū aliquem vel proponimus petita nostra, vel patris aduersæ cogimur respondere postulatis, tunc certe ab hac arte commodissime præsidium petetur. Aut quando exercere memoriam volumus, id hac via facile & quam minima molestia facere licebit, quod sane ad memoriam firmandam utilissimū esse. Et Quintilianus autor est, & rei usus, si quis experiri volet, expedite docebit, si quod aliud enim, memoria, vel maxima est, quam creber usus auget, quamq; incuria negligētiaq; destituit. In iis vero, quæ perpetuo animo nostro cupimus habere, optimum cōtenderim esse, q̄ intentissima cura primum complecti ea: deinde q̄ creberrime ab animo nostro reposcere, & subinde admonendo eum ad fidem præstandam cogere: postremo, ut animo va-

tuo, & quātum datur ab aliarū curatum
 turba ocioso, id agamus, quod quidem
 in actionibus omnibus & negotiis, quic
 quid id est, quod vlla parte nostri fieri
 debet, exploratum est, vt nemo pluribus
 æque sufficere possit. Ingenium certe id
 est, quod vbi intenderis (vt inquit Sal-
 lustius) valet; quod ei in multas diduc-
 to curas contingere minime potest. Ter-
 tium est, & quod proposueram postre-
 mum, quo pacto exiis, quæ discendo per-
 cepimus, ipsi excudere aliquid, proferre
 quæ valeamus, ne ue studia nostra apud
 animum segnia, & (vt ita dicam) steri-
 lia reponantur: sed quod semina solent
 in terra condita, fructum aliquē vberio-
 rem cum fœnore profundant. Amplius
 copiosusq; est hic locus, & dignus, qui
 pluribus diceretur, quemq; ego aliquan-
 do exactiori cura mihi puto dicendum,
 quando hic præcipuus esse videtur lon-
 gi laboris, sollicitudinisq; in studia col-
 late, fructus. Quod si nihil ipsi ad po-
 steros mandare poterimus, nihil extra

Rodolphi Agricola

ea, quæ didicimus, ad præsentēs proferre, quid tandem inter librum & nos intererit? nisi qualiter quidem ea, quæ semel in illum cōgesta sunt, bona fide semper seruat: reddatq; nobis, vt quæ accepimus, continere possimus, iteranda sunt tories, & subinde in animum inculcāda. Complectitur sane locus hic duo, quorū vtrunq; per se quando sit magnum, cōiuncta certe plurimum in studiis laudis merentur. Horum alterum est, vt quæ didicimus, in vsum prōpta habeamus: & vbiunq; res postulat, parata. Plerosq; enim videas, qui quando multa didicerint, multorum habeant memoriā, vbi proferendum tamen sit aliquid eorum, nihil succurrat eis, nihil queant meminisse: at sciunt quidem, sed id ipsum scire se nesciunt. Alterum est, vt ex eis, quæ accepimus, ipsi præter hæc inuenire aliquā possimus, & conficere, quæ nobis asseramus, nostraq; esse quæamus affirmare. Duo sunt autem, quæ præcipue huic parti profutura crediderim. Horum vnum est,

stica tractata sunt, quidq; de Medicina?
alius rem militare, alius architecturam,
alius pingendi, fingendiq; rationem conscrip-
sit, quas artes, tamen si non sum nesci-
us, non intra partem eam disciplinarum
claudi, quæ rerum naturam scrutatur: ta-
men quia cognitæ sunt illi, & ab eisdem
fere pdeunt fontibus, non est quod nunc
in eo magnopere sim sollicitus, quando
ad eundem ordinem redigendas putem.
Hæc ergo omnia, quæ dixi, & ad mores
rostris, & ad rerum naturam pertinere,
ex eis discenda tibi sunt autoribus, qui re-
bus cognitu dignis clarissimum eloquen-
tiæ lumen addiderunt, ut una opera, &
rerum notitia tibi, & quod post eam pro-
ximum feci, commodè eloquendi ratio
contingat. Qua quidem de re scis multa
a summis viris tradita esse præcepta. Quod
tamen ad corruptam institutionē loquen-
di emendandam pertinet, quam pueri in
scholis accipimus, huius mihi admonen-
dus videris. Fac suspectum tibi sit, quicquid
hactenus didicisti, damnes omnia,

te nimium, nec satis cum re proposita co-
 hærens, dictum fuerit, in eo sermone ex-
 pedirijs annotabit quisq; , quem notissi-
 mum habebit. Postremo vt hunc locum
 cōcludam, quicquid eris scripturus, des
 operam, vt quam purissime id recte tan-
 tum, Latineq; inter initia eloquaris. Or-
 nate dicendi posterior erit cura, quod cō-
 tingere certe, nisi sana & integra sit ora-
 tio, non potest. Euenit enim eloquentiæ,
 quod corpori, in quo si nō omnia mem-
 bra sint suo quodq; loco disposita, si sint
 a recto habitu detorta, si magnitudinis
 suæ modum egressa, frustra illi circunde-
 deris ornatum. Pugnabit enim cum or-
 namentis suis corpus, & illustriorem de-
 formitatem eius, decor externus faciet il-
 li comparatus. Sed de hac parte, quæ ti-
 bi studia potissimum sectanda putem, ha-
 stenus: Reliquum est, vt dicam quo pa-
 tto plurimū in studiis fructus consequu-
 turū te credo. Alius aliter fortasse, ego ita
 sentio. Quisq; in percipiendis doctrinis
 cupiet dignū aliquem laborū fructū adie-

Rodolphi Agricola

pisci, illi tria esse praecipue praestanda, ut
plane recteq; percipiat, quod discit: ut fi-
deliter, quod percepit, contineat, ut & ex
eo aliquid ipse deinde parere, proferreq;
valeat. Primum diligentis lectionis est
opus: Secundum, fide memoriae: Ter-
tium, assiduae exercitationis. In lectione
id conandum in primis est, ut quod le-
gimus, quam maxime fieri poterit, intel-
ligamus, & penitus habeamus perspe-
ctum: nec rem tantum, quae traditur, sed
& verborum in disertis autoribus vim,
proprietaem, structuram, ornatumq; per-
spiciamus, quis decor, quod pondus
sententiarum, quae vis explicandi, & res
proferendi verbis, & velut in lucem con-
spectumq; protrahendi. Nec tamen istud
eo pertinet, ut si vel per se obscurior, vel
nobis ignotus occurrerit locus, statim re-
sistendum illic: nec progrediendum ul-
tra putemus, ut (quod nonnulli) statim
proiciamus librum, damnemusq; stu-
dia, & ingenium nostrum depleamus.
Diligentia enim, non indignatione ad

profectum est opus. Transeuntes ergo, si
 quid erit, ubi intellectus non possit erui,
 & in aliud reservandum tempus, donec
 vel homo, vel liber nobis contingat,
 qui id aperiat, vel alia lectio, quod crea-
 brum est, doceat. Dies enim (quod dice-
 re soleo) diem docet. Quod si Quinti-
 lianus inter virtutes grammatici nume-
 randum putavit, aliqua nescire, quanto
 magis nobis, ut non dicam necessarium
 saltem cum venia erit, nonnulla ignora-
 re? Nolum tamen videri cuiusquam dese-
 diae patrocinium me his commemoran-
 dis parare. Nam contra videor mihi nul-
 la re alia cuiusquam studium posse vehem-
 entius accendere, quam si ostendam ipsam
 sibi lectionem aperire viam, & omnem
 legendi laborem legendo superari. Proxi-
 mum est, ut memoria firmiter, quod ac-
 cepit, asseruet. Constat autem memoria in
 primis natura, ea tamen adiuuatur arte,
 quam alii quidem aliter tradidere, sed
 sic tamen, ut summa rerum eodem fere
 sedeat. Eam artem duobus maxime vti

bus accommodam arbitror. Aut enim subito dicendum est, & maior aliquis rerū numerus commemorandus, in quo periculum adeundum est, ne ut ordine, vel numero destituamus, ut quū legati apud Principem, aut Senatū aliquem vel proponimus petita nostra, vel partis aduersæ cogimur respondere postulatis, tunc certe ab hac arte commodissime præsidium petetur. Aut quando exercere memoriam volumus, id hac via facile & quam minima molestia facere licebit, quod sane ad memoriam firmandam utilissimū esse. Et Quintilianus auctor est, & rei usus, si quis experiri volet, expedite docebit, si quod aliud enim, memoria vel maxima est, quam creber usus auget, quamq; incuria negligētiq; destituit. In iis vero, quæ perpetuo animo nostro cupimus hære, optimum cōtenderim esse, q̄ intentissima cura primum complecti, ea: deinde q̄ creberime ab animo nostro reposcere, & subindē admonendo eum ad fidem præstandam cogere: postremo, ut animo va-

cuo, & quātum datur ab aliarū curarum
turba ocioso, id agamus, quod quidem
in actionibus omnibus & negotiis, quic
quid id est, quod vlla parte nostri fieri
debet, exploratum est, vt nemo pluribus
æque sufficere possit. Ingenium certe id
est, quod vbi intenderis (vt inquit Sal
lustius) valet, quod ei in multas diduc
to curas contingere minime potest. Ter
tium est, & quod proposueram postre
mum, quo pacto ex iis, quæ discēdo per
cepimus, ipsi excudere aliquid, proferre
que valeamus, ne ue studia nostra apud
animum segnia, & (vt ita dicam) steris
lia reponantur: sed quod semina solent
in terra condita, fructum aliquē vberio
rem cum fœnore profundant. Amplius
copiosusq; est hic locus, & dignus, qui
pluribus diceretur, quemq; ego aliquan
do exactiori cura mihi puto dicendum,
quando hic præcipuus esse videtur lon
gi laboris, sollicitudinisq; in studia col
late, fructus. Quod si nihil ipsi ad po
steros mandare poterimus, nihil extra

Rodolphi Agricolæ

ea, quæ didicimus, ad præsentēs proferre, quid tandem inter librum & nos intererit? nisi qualiter quidem ea, quæ semel in illum cōgesta sunt, bona fide semper seruat: reddiq; nobis, vt quæ accepimus, continere possimus, iteranda sunt tories, & subinde in animum inculcāda. Complectitur sane locus hic duo, quorū vtrunq; per se quando sit magnum, cōiuncta certe plurimum in studiis laudis merentur. Horum alterum est, vt quæ didicimus, in vsum prōpta habeamus: & vbiq; res postulat, parata. Plerosq; enim videas, qui quando multa didicerint, multorum habeant memoriam, vbi proferendum tamen sit aliquid eorum, nihil succurrat eis, nihil queant meminisse: at sciunt quidem, sed id ipsum scire se nesciunt. Alterum est, vt ex eis, quæ accepimus, ipsi præter hæc inuenire aliqua possimus, & conficere, quæ nobis asseramus, nostraq; esse quæamus affirmare. Duo sunt autem, quæ præcipue huic parti profutura crediderim. Horum vnum est,

est, vt certe quædam rerum capita habeamus, cuiusmodi sunt, virtus, vitium, vita, mors, doctrina, ineruditio, beneuolentia, odium, & reliqua id genus, quorum vsus fere communis ad omnia, & tanquam publicus sit. Hæc crebro iteremus, & omnia, quæ didicimus, quantum fieri potest. Certe quæcunque discimus, ad ea redigamus, vt repetendis capitibus illis, ea quoq; quæ ad ea redeamus, repetantur. Sic fiet tandem, vt omnia quæ discimus, certa nobis, præsentiaque, & prope sub conspectu maneant. Poterit autem per sæpe vel exemplum vnum, vel vna sententia, in multa capita conferri, vt quod, de vi illata Lucretiæ, apud Liuium est: primum de pudicitia, quæ scilicet ea facienda sit, cuius damnum Lucretia morte putauit pensandum. Post de pulchritudine quantorum malorum ea sæpe sit causa, quantum etiam pudicitia ab ea periculi sit. Iam de morte, vt ea mala non sic habenda, quam Lucretia impudicæ viræ prætulit. Hinc de libidine, quas clades,

Rodolphi Agricola

quæ bella ea mouerit, utq; etiam ingen-
 tia mala magnorum sæpe bonorum præ-
 beant causam, quando ex eo scelere Po-
 pulo Romano sit libertas quesita. Senten-
 tia itidem diuidetur, ut, Est virtus, placi-
 tis abstinuisse bonis. Ad virtutis caput du-
 cetur, dicit enim: Virtus est, placitis bo-
 nis abstinuisse. Ducetur ad caput bono-
 rum, non omnia bona expetenda esse:
 quoniã placitis bonis abstinuisse, est vir-
 tus. Ducetur ad caput abstinentiæ, quia
 abstinuisse placitis bonis, est virtus. Secū-
 dum, quod huic parti adiumento erit, id
 est, ut in iis, quæ discimus, diligenter pen-
 simq; conferamus verba inter se, & latior
 ri quodã tractu explicemus. Sumamus,
 exempli gratia, quod apud Vergiliũ est:
 Optima quæq; dies miseris mortalibus
 æui, Prima fugit. Primũ, optima inquit,
 qualia sunt putanda bona humana, quã-
 do optima sint: eæq; vedum abeant, sed
 fugiant, & semper peiorum expectatione
 torqueant, quæ etiam duriora videantur
 necesse est, ex meliorum, quæ præcesserũt,

comparatione. Sequitur dies æul, id est,
vita nostra, ea q̄ parui est facienda, si fu-
gax est, & optima protinus initio, velut
in flore consumitur. Quæ potest autem es-
se felicitas in vita, quando qui fruuntur
ea, mortales nedum, sed & miseri sunt?
Hinc iam miseri mortalibus, quid ni
miseri, quorū talia bona sunt, talis est vi-
ta, quiq; morti obnoxii sunt? Postremum
est, prima fugit. Prima ergo nondum usu
cognita, nulla perfusione possessa, ut
semper quæ sequitur, quando vis forte
per se bona, tamē melioris collatione du-
ra videatur. Fugit etiam, non dimittitur,
non abire iubetur. Quam fallax ergo, q̄ in-
certa, quam nequæquam nostri iuris aut
arbitrii est. Quod si quis latius ista, & per
omnes locos dialecticos fuderit, quater-
nus cuiusq; natura capax eorū est, ingens
itaq; copia, & ad dicendum, & ad inueni-
endum se præbebit. Quod quomodo fa-
ciendum sit, maius est, q̄ ut epistola id ca-
piat, & copiose est a me ea de re in sex li-
bris eis, quos de inuentione dialecticæ

scripsi, disputatū. Quisquis ego prius id recte, & cum cura tractauerit, præsertim si rationem dialecticæ inuentionis illi adiunxerit, ingens illi, paratissimaq; de omni fere proposita re differendi facultas continget, modo ea res illa ex parte ad eas pertineat, quas didicit artes. Hocq; pacto veteres illos professores artium, quos Græci Sophistas, id est, doctores vocabant, exercuisse deprehendo, quantum ex Aristotele, & Platone cōicere licet, atq; ad eam eruditionem, promptitudinemq; dicendi peruenerunt, ut de qua re audire quis vellet, proponi iuberent, dicerentq; quandiu, quantumq; videretur de eo, quod esset propositū. Sic Gorgias Leontinus, primus tam audacis cepti autor, sic Prodicus Chius, sic Protagoras Abderites, atq; Hippius Eleus, & instituti, & alios docuere. Ad id quod secundum feci multum iudicii parabit in iis, quæ discuntur, & nouas argumentationes, nouasq; sententias, aut veteres, sed quibus noua facies sit, inueniet: estq;